



9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

C40-4514



B 64853

淨土資糧全集卷之四

古杭雲棲寺蓮池禪師株宏校正

校李桐邑淨業弟子莊廣還輯

淨土齋戒章

總論齋戒

大阿彌陀經曰。我作佛時。諸天人民有發菩提心。奉持齋戒。行六波羅蜜。修諸功德。至心發願。欲生我刹。臨壽終時。我與大眾現其人前。乃至

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

來生作不退轉地菩薩。

龍舒淨土文曰。全持齋戒。又禮佛念佛。讀誦大乘經典。解第一義。以此廻向。願生西方。必上品上生。所謂齋者何哉。不食肉。不飲酒。不姪慾。不食五辛。所謂戒者何哉。殺生。偷盜。邪婬。是為身三業。妄言。綺語。兩舌。惡口。是為口四業。貪欲。嗔恨。邪見。是為意三業。總為十戒。能持而不犯。是為十善。若犯而不持。是為十惡。全持十戒。固上品上生。若止持五戒而脩淨土。亦中品上生也。

考證

菩提心

見第三卷

六波羅密

見第一卷

攝生篇

讀誦大乘經典

淨土指歸

大乘經典者

諸佛所師

菩提皆從中出

觀經

三種淨業

并上品上生

嚴般若涅槃等

專談淨土

諸大乘經修淨

業人當受持讀誦

伏大乘法力決取往生

○發隱

○讀誦者

外假熏聞內資理觀

非文字口耳之謂也

或偏耽卷帙不復憚思

佔俾終身空數他寶

是故善星比丘

誦十二部經

提菩達多誦六萬法聚而此二入

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

不修方便道中真佛性觀四念處等起大逆罪俱入地獄此又讀誦者所當知也○六祖曰口誦心行是轉經口誦心不行自是被經轉讀誦者可不知此乎

○持齋篇

總論持齋

謹按經云佛言一日持齋有六十萬歲糧復有五福雖然持齋心盡其道而後可也如佛之日中食者道矣過中食者道乎如斷際禪師所謂智食者道矣恣情取味

而為識食者道乎智者大師所謂淨命者道矣邪因緣自活而為邪命者道乎去其非道以盡道而復以無慾之人持之則詩所謂受祿於天自求多福者其在是乎

考證五福

少病身安少姪少

睡生天知宿命

日中食

僧祇

念為一睡日影過一瞬半日中食此言不過中食又云午時過一髮非食時又宗助謂食時者辰時也○律儀要畧曰諸天早食佛午食畜生午後食鬼夜食僧宜學佛不過午食餓鬼聞碗鉢聲則咽中火起故午食尚宜寂靜况過午乎昔有高僧聞拂

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

房僧午後舉發不覺涕泣。悲佛法之衰殘也。今人體弱多病。欲數數食者。或不能持此戒。故古人稱晚食為藥石。取療病之意也。心也知違佛制。生大慚愧。不多食。不安意。食庶幾可耳。如或不然。得罪彌重。噫可不戒歟。**智食識食斷際禪師曰。**四。大之身。肌膚為患。隨順給養。不生貪着。謂之智食。恣情取味。妄生分別。唯求適口。不生厭離。謂之識食。淨命邪命發隱。曰一。深山草果。二。常行乞食。三。檀越送供。四。隨大衆食。以此活命。無所染汚。故曰淨命。一。方口食。謂干謁四方。二。維口食。謂種種術數。三。仰口食。謂仰觀星宿。四。下口食。謂栽植田園。皆邪命自活也。至於戒經所謂販賣男女色。以呪助邪。以藥傷人。以鷙畋獵。當有大過矣。豈止於邪命。

哉。智論云。邪命五種。皆為利養故。一。許現奇特。二。自說力。三。占相吉凶。四。高聲。五。稱說所得。供養以動人心。邪因緣活命。是為邪命。受祿多福。大夫。又大雅文王之詩曰。永言配命。自求多福。

持

不食肉

齋不飲酒
之不婬慾

圖不食五辛

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

龍舒淨土文曰。飲食男女。人之大欲存焉。此二者皆造業之所。殺生以資口腹。婬慾以喪天真。非造罪而何。况二者更相助發。因美飲食。則血氣盛。血氣盛。則婬慾多。婬慾多。則反損血氣。氣損。則又賴飲食以滋補。是二者更相造罪也。若欲省口腹。必先節婬慾。若能節婬慾。即可省口腹。此乃安身延年之道。果了得此二者。在生何由有疾病夭折。身後何

由有地獄畜生。修淨土者不可不戒此。
還謹按持齋而曰。不婬慾。似乎不類。及觀
龍舒之文。始知欲持齋者。不可不絕慾也。
意古人之立法。豈徒然哉。

戒疏發隱曰。盡理而言。存心染污。意食辛也。
出言醜惡。口食辛也。躬行鄙陋。身食辛也。慘
刻之心。意食肉也。兇殘之語。口食肉也。毒害
之事。身食肉也。妄織紛紜。喪其靈鑒。意飲酒

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

也。謬言顛倒。淆於辨別。口飲酒也。冥行舛錯。乖乎義理。身飲酒也。極而言之。甘小道之穢。襍而失大乘法身清淨之香。皆食辛也。飽二乘之獨善。而捨大乘法喜無利之味。皆食肉也。醉聲聞之愚法。而昧大乘多聞明達之智。皆飲酒也。但初心菩薩。宜先事戒。而後及理。所以者何。理戒深玄。苟非其人。執理廢事。為害滋廣。今即事即理。即偏即圓。眸盤具列。存

乎其人焉耳。

註 證按發隱盡理之說。兼通乎三業。而不拘拘於口腹之微。極言其悖道。而不瑣瑣於飲食之末。蓮師之得於梵網者。洞乎深哉。

改證

法喜

阿彌陀經鈔云。阿含唯識等說。

解脫五法。喜謂。禪定資神。輕安適悅。即為食義。頑力持法。法身增長。即為食義。念力明記。聖道現前。即為食義。解脫除障。居然資益。即為食義。法喜內充。極喜樂故。即為

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

食義皆自性真如無盡之理而為食也。晛盤性理通書云。晛盤示兒。今人生兒及暮則以衆物聚於盤中。隨兒自取名曰晛盤也。

論不食肉

梵網經曰。若佛子故食肉。一切衆生肉不得食。夫食肉者。斷大慈悲佛性種子。一切衆生見而捨去。是故一切菩薩不得食一切衆生肉。食肉得無量罪。

戒疏發隱曰。見而捨去。如鷗去海翁之機。鵠

搖羅漢之影。微細如斯。重可知矣。問。經稱食肉之人。入於山林。虎狼獅子皆來集會。今云一切衆生見而捨去者。何答。捨去者。驚其殺心而遠離也。來集者。臭其同氣而相求也。或去或來。皆惡因緣也。一切菩薩者。從初發心。以至位滿。皆不得食肉也。今人有得少知見。便謂逆行無礙。恣意食啖。厥罪可勝言哉。問。蠶之害亦慘矣。梵網經制食肉。不制衣帛者。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

何答。文互見故煮藥斷命。十重殺中攝。羈湯繅車。殺具中攝為利資身邪命自活中攝。而首楞嚴經亦禁綿絹。是知僧號衲子。士稱布衣。無待論矣。若夫王臣則惡衣服。美黻冕。自有古人之成訓在。

考證

海翁機

子書云。有人每日至海邊與羣鷗相狎。其父聞之謂其子曰。明日可取一鷗來看。子曰諾。

明日至海邊。羣鷗旋飛不下。悉羅漢影。佛舍利弗同立。有鷹逐鴟。就舍利弗影中。鷹不敢下。鴟猶戰慄不已。過佛影中。遂不戰。

深。佛大位滿。智者大師說曰。別教階位五。意故也。十二。第一外凡。十信。第二內凡。習種性。十住。第三性種性。十行。第四道種性。十迴向。第五聖種性。十地。第六等覺。地隣真極聖。衆學之頂也。第七惡衣服。妙覺地。了了見性。稱妙覺也。第八。惡衣服。語。子曰。禹吾無間然矣。惡衣服。網。十重中。第一衣服。而致美乎。斂冕。梵網。殺戒。四十八輕中。第十。畜殺衆生具戒。第二十九。邪命。自活戒。當於本經考之。

楞伽經曰。佛告大慧菩薩。有無量因緣。不應食肉。謂衆生從本已來。展轉因緣。常為六親。以親想故。不應食肉。不淨氣分所生長故。不應食肉。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

衆生聞氣悉生恐怖故不應食肉。令修行者慈心不生故不應食肉。凡愚所嗜臭穢不淨無善名稱故不應食肉。令諸呪術不成就故不應食肉。以殺生見形起識深味著故不應食肉。諸天所棄故不應食肉。令口氣臭故不應食肉。夜多惡夢故不應食肉。虎狼聞香故不應食肉。令人飲食無節量故不應食肉。令修行者不生厭離故不應食肉。我常設言凡所飲食作食子肉想故不應食肉。我常設言凡所飲食作食子肉想。

作服藥想故不應食肉。佛復說偈畧云為利殺衆生以財網諸肉二俱是惡業死墮吽呼獄是故不應食酒肉葱韭蒜悉為聖道障食肉無慈悲永背正解脫是故不應食。

龍舒淨土文曰人能斷肉固為上也如不能斷且食三淨肉而減省食若兼味且去其一如兩食皆肉且一食以素人生祿料有數若此自可延壽語曰世上欲無刀兵劫須是衆

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

生不食肉斯言可不畏哉

還謹按梵網特舉其重楞伽兼及其餘。食肉之禁嚴矣。而王居士乃為三淨及減省之說得非與。請捐日攘者同與。曰不然。攘雞是一人之小惡。可以頃革。而曰請捐。是大有養惡之意。食肉乃世俗之積弊。可以漸化。而欲遽止。不免有扞格之愆。是故魯人獵較。孔子亦獵較。豈其得已哉。居士之意耶。

考證

祿料有數

前定錄。唐晉公韓滉之在中書也。召一吏。父而後至。

公怒。吏曰。某不幸兼屬陰司。公曰。既屬陰司。有何所主。吏曰。某所主。三品以上食料。若然。明日我食當以何食。吏曰。機不可測。乞紙以紙。過後為驗。明日公被召入。遇大官進食糕糜一器。上以其半賜晉公。退而腹脹。醫飲以橘皮湯。視吏所疏。皆如其

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

言。公復問人簡之食皆有籍耶。吏對曰。三品已上日支五品已上有權者旬支無則月支六品至一命皆季支其下食祿者年支耳。故知飲食有分豐儉無差。所以龍舒又云。人生受用之數有限。限盡則早終耳。斯言豈不信夫。日攘孟子曰。日攘其隣之雞者或告之曰。是非君子之道。請損之。月攘一雞以待來年然後已。何如。如知其非義。斯猶謂之非禮也。謂之猶較。魯國非禮之俗也。未可頓格。故孟子曰。魯人猶較。孔子亦猶較。

楞嚴經曰。阿難我令比丘食五淨肉。此肉皆我神力化生。本無命根。汝婆羅門地多蒸濕。加以

砂石草萊不生。我以大悲神力所加。假名為肉。汝得其味。柰何如來滅度之後。食衆生肉。名為釋子。

還謹按先佛懸記之言。則今世之三淨五

淨。不當食明矣。奈何憚於蔬素者。往往以三淨五淨藉口。而言佛有方便之門。何其謬哉。不特此也。昔六祖食肉邊之菜。韜光晦迹。故耳。今世之貪着其味者。往往食肉。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

邊之菜曰此祖師之成法也。噫可哂也夫。

考證

三淨五淨

不見殺。不聞殺。不疑為我殺。名曰三淨。加自死鳥殘肉。各曰五淨。

婆羅門此西域俗種也。什曰廣學問。

名婆羅門。肉邊菜

檀經曰。惠能至曹溪又被惡人尋逐。乃於四會縣避難。猶

對曰。但辨肉邊菜耳。

論不飲酒

梵網經曰。若佛子故飲酒。而酒生過失無量。若自身手過酒器與人飲酒者。五百世無手。何況

自飲亦不得教一切人飲。及一切衆生飲酒。一切酒不得飲。若故自飲。教人飲者。犯輕垢罪。戒疏發隱曰。過失無量者。非但三十六失大論。又明三十五失。律中又明十過。更細推之。其為過失不可勝舉。具降龍之力。伏地無知。蹈攘雞之非。諸戒喪盡。乃至威雄炮烙。而牛飲滅宗功。著澶淵而漏言失事。過之生也。寧有量乎。問沉酒之流。理應無手。云何過器。便

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

獲斯殃。且如君父之壽。臣子稱觴。豈得以誠
敬之心。反招惡劣之報。荅凡言罪者。皆為有
菩薩戒者言也。已受菩薩大戒。當行菩薩大
道。發大心。證大果。乃所以壽吾君親。而杯酒
之敬。敬之小者也。然而無手之報。非此類所
感。彼感報者。蓋是執持癡器。醉酌癡藥。獎誘
癡人。成就癡業耳。豈比稱觴君父。雖不名大
敬。終不失為誠敬之心乎。無手之報。加於此。

等。則忠臣孝子必有憤惋而不平者。吾故表
而出之。他如末利飲酒。以女人而有丈夫之
作。見機行權。正大士之體也。安可以常法拘
之。如無末利之心。妄希末利之迹。獲罪如律。
害莫大焉。慎之慎之。

致證

五百世無手

發隱曰。有五百。一五

百。在醃槽地獄。二五百。

一百。在沸屎。三五

百。在蛆。蛆虫。四五百。在蠅蚋。

五百。在痴。熟無知。今之五百。或是最

後。與人。痴藥。故生痴。熟虫中也。無手者。不
是盡是人。中無手。如蛇。蚓。蠍。之屬。無手。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30 1

之報 一切酒

又云。酒有多種。一穀造。二果造。如甘蔗葡萄棗等。三藥造。

諸香樹華葉等。又乳熟者亦可。飲酒三十

也。諸酒醉人。力有強弱耳。

六失 不孝父母。輕慢長友。不敬三寶。不信經法。誹謗沙門。許露人罪。恒說妄語。

誣人惡事。傳言兩舌。惡口傷人。生病之根。爭聞之本。惡名流布。人所憎嫌。排斥聖賢。

怨讐天地。廢忘事業。破散家財。恒無慚愧。

不知羞恥。無故搆打奴僕。橫殺衆生。奸婬。

他妻偷人財物。瞞遠善人。狎近惡友。常懷

恚怒。日夜憂愁。牽東引西。持南著北。倒溝

閭路。墮車墜馬。逢河落水。持燈失火。暑月熱日。寒天凍死。

三十五失 出論始於現生虛乏。十過 律中又明十過。一

終於來世愚癡。顏色惡乃至十身。

具降龍之力

莎伽陀尊者。善降惡龍。後飲酒卧地。

本三惡道。佛過見之。語弟子曰。踏攘雞之非。戒文。

此人今能降蝦蟆否。答曰。因醉。攘隣雞。殺而食之。隣人詰之。牛飲滅。

又妄言不見。一飲而諸戒盡破。牛飲滅。

本宗商紂暴虐。為炮烙之刑。又作酒池肉林。

皆呼萬歲。契丹氣奪。受盟澶淵而歸。嘗

聞之師曰。因酒而漏言失事。此寇公之常態。如欲去丁謂。而反為丁謂。此漏言之一事也。未利。夫人未利。勸受菩薩戒。因王欲殺厨官。置酒宴王。相共

勸飲為解。厨官遂得不死。夫人詣佛首罪。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

佛言如斯犯戒。利莫大焉。
見機行權。正大士之體也。

高峯師云。酒乃殺戒體之毒藥。障正念之癡雲。伐善種之斧斤。滋業火之薪草。啓煩惱趣。閉功德門。古今君臣士庶。未有不因而喪亂者。書中有禹惡旨酒之格言。俗典尚爾。况吾佛教中。以戒定慧三學圓修頓悟。其心安喪亂之本不除。寂滅之道難證者矣。此言五根本戒。

謹按酒以防亂。是固然矣。其氣穢惡。不在五辛之下。故當絕之。豈止於防亂而已哉。昔陶淵明欲與蓮社。竟以無酒而去。噫。哲人猶爾。况其下乎。修行者。當以經律自持。以淵明為戒。亦庶幾矣。若曰。惟酒無量。不及亂。此儒家之禁戒耳。必如文忠終身不醉。思遠醉勝醒人。維摩居士入酒肆能持其志。而後可以語此。况穢惡之氣。豈修

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

淨業者之所宜哉。禁絕為上。慎勿以此藉口。經云。寧飲洋銅。慎無犯酒。可不戒與。

考證

戒定慧

見第二卷鄭青之文考證

論不婬慾

楞嚴經曰。佛告阿難。如是衆生入三摩地。要先嚴持清淨戒律。永斷婬心。不食酒肉。若不斷婬及與殺生。出三界者無有是處。當觀婬慾猶如毒蛇。如見怨賊。先持聲聞四棄八棄。執身不動。

後行菩薩清淨律儀。執心不起。禁戒成就。則於世永無相生相殺之業。偷刦不行。無相負累。亦於世間不還宿債。是清淨人脩三摩地。父母肉眼。不須天眼。自然觀見十方世界。觀佛聞法。奉聖旨。得大神通。遊十方界。宿命清淨。得無艱險。是則名為第一增進修行漸次。

永嘉集曰。凡於女色。心無染著。凡夫顛倒。為慾所醉。沉荒迷亂。不知其過。如捉華莖。不悟。

毒蛇。智人觀之。毒蛇之口。熊豹之手。猛火熱鐵。不以為喻。銅柱鐵牀。焦背爛腸。血肉糜潰。痛徹心髓。作如是觀。惟苦無樂。

四十二章經曰。佛言人有患姪情不止。踞斧刃上以自除其陰。謂之曰。斷陰不如斷心。心為功曹。若止功曹。從者都息。邪心不止。踞斧刃還

謹按普門品曰。若有衆生多於姪慾。常念恭敬觀世音菩薩。便得離慾。何也。蓋以

心存恭敬。則邪心自息。亦自然之理耳。然則前二經一云執心。一云斷心者。其真離慾之方乎。

考證

三摩地

即三摩鉢提也。圓覺經論辨定三種。一曰奢摩他。惟取極靜而得定者。二曰三摩鉢提。觀諸幻化而修定者。三曰禪那。離前二相。而悟靜圓覺者。

四棄。比丘四棄。比丘尼八棄。比丘尼小棄。殺心男。覆他重罪。隨舉大僧供給衣食。

起信論曰。應觀世間一切有身。悉皆不淨。貪

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

愛之心自然不起。阿含經說有國王嗜慾無厭。有一比丘以偈諫曰。目為眵淚窟。鼻是穢涕囊口。為涎唾器。腹是屎尿倉。但王無慧目。為色所耽。荒貧道見之惡。出家修道場。永嘉集曰。革囊盛糞。膿血之聚。外假香塗。內唯臭穢。不淨流溢。蟲蛆住處。鮑肆廁孔。亦所不及。

還謹按此二說亦離慾之一法也。故悉達

太子往雪山之夜。淨居天人彰侍御之觀容。九孔流液。蛆蟲可厭。所以堅太子修道之志也。與前說正同。故並存之。以為多慾者告。

考證 不淨觀

袁氏遺欲篇云。學者欲習不淨觀。當先觀人死之時。

詞惆悵氣味。菩薩息出不還。身冷無知。四大無主。妄識何往。觀想親切。可驚可畏。愛憇自然淡薄。悲智自然增明。從此而修。有九想焉。一。脣張想。二。破壞想。三。血塗想。四。爛想。五。青瘀想。六。虫噉想。七。斷散想。八。白骨想。九。焚燒想。但將吾所愛之人。以上九

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

想觀之。乃知言笑歡娛。盡屬假合。清溫細軟。究竟帰空。即我此身。後亦當爾。有何可愛而貪者哉。破慾除貪。莫此為尚矣。○比丘之偈。永嘉之言。生前之不淨也。遺慾之篇。死後之不淨也。合而觀之。嗜慾者可以自戢矣。

論不食五辛

梵網經曰。若佛子不得食五辛。大蒜。薑。葱。慈。蔥。蘭。葱。興渠。是五辛。一切食中不得食。若故食者。犯輕垢罪。

戒疏發隱曰。身子登廁。灰土洗淨。如法精嚴。

外道感化。有病食辛。若能如是。亦奚不可。律云。有病食辛。當處別室。葷氣已絕。方得詣佛。問。飲酒昏神。食肉害物。其過宜矣。五辛於神不昏。於物無害。經開五失。不已過乎。答。食辛雖不害物。其究亦能昏神。良以穢濁之氣。助發慾心。卒烈之味。增長恚性。恚恚覆心。頓忘明覺。非昏而何。故宜戒也。

楞嚴經曰。佛告阿難。是諸衆生。求三摩提。當斷

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

五種辛菜熟食發姪。生啖增恚。是食辛之人雖能宣說十二部經。十方天仙嫌其臭穢。咸皆遠離諸餓鬼等。因彼食次。舐其唇吻。常與鬼住。福德日銷長無利益。是食辛人修三摩地。菩薩天仙十方善人。不来守護。大力魔王得其方便。現作佛身來為說法。非毀禁戒讚姪怒癡命。終自為魔王眷屬。魔福盡墮無間獄。修菩提者永斷五辛。是名為第三增進修行漸次。

謹按五辛臭穢絕之宜矣。至沙彌十戒。又有香塗身之禁。何哉。曰。塗身以香為已。非為佛也。香之塗身固在所禁矣。至隋尼大明入室念佛。口含沉香竟得往生。又何哉。曰。口含沉香為佛非為已也。噫。一念之差。千里之謬。香云乎哉。

次證五辛。大蒜是胡葱。薑葱是薑。慈蔥是生熟皆臭。梵網經註云。興渠此地無氣。如阿魏。楞嚴會解云。興渠形如蘿蔔。出地良

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30 1

穢此上無發隱曰。蕙是蕪菁至法數。以胡荽註興渠之下。且云梵網今觀梵網註並無胡荽之語。乃知其謬也。今人以胡荽為不當食。蓋本於此。食辛五失一生過。二天遠。三鬼近。四福消。五魔集。

附短齋圖說

梵網經好時戒曰。若佛子以惡心故。自身謗三寶。訴現親附口。便說空行在有中。經理白衣。為白衣通致男女。交會姪色。作諸縛著。於六齋日。年三長齋月。作殺生劫盜。破齊犯戒者。犯輕垢戒。

罪。

戒疏曰。三齋六齋。盡是鬼神得力之日。此日宜修善福過餘日。而今於好時虧慢。更加一戒。

戒疏發隱曰。惡心者。在三寶中不生好心。假現親從。實懷毀謗。發言則口口談空。素履則時時行有。交通白衣。不恥穢業。此等犯戒之人。於諸好時。應當警起慚惶。稍自修戢。而復

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

慢不加意。作殺盜重罪。更犯輕罪。譬如犯死刑。別有餘惡法。不容貸。復加捶楚也。故加一戒。又此戒本在家所持。出家盡壽持齋。何

分月日。

改證好時戒疏。謂六齋三長齋等。發隱曰。道歡喜自恣等。○阿彌陀佛示生。十一月十七日。○釋迦牟尼佛示生。四月初八日。成道。十二月初八日。○觀世音菩薩示生。二月十九日。成道。六月廿九日。○大勢至菩薩示生。九月廿三日。○因衆僧破齋戒。自恣。諸佛歡喜。即七月十五日也。破齋戒。

曰。破齋者。謂非時食等。優婆塞戒云。六齋日。三齋月。受八戒持齋。在家菩薩應行此事。○戒疏曰。八戒大小乘皆有。小乘八戒即齋法。大乘八戒。謂地持中八重。發隱曰。八重者。殺盜婬婬。憍慢。嗔謗。為八重。○受持齋者。即沙彌十戒中第九。非時食。為持齋以前。有八戒。故云。

三正月
齋

月
九月

賓主盤桓。曰。嘗閱大藏經。帝釋天王。每歲

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

勅毘沙門天王巡狩四部之洲。接察善惡。正月則於南瞻部。二月則於西牛貨。三月則於北俱蘆。四月則於東勝神。餘月有八。復厯者殆至載焉。暨乎歲終。以人間善惡悉上天帝。帝覽其善。則錫之以祥。惡即降之以殃。然則傳記蒞官上任。宰割施鴻。皆避正五九。厥有自與。

每月有六齋日十齋日共止十日耳

六初八十四加以初一十八廿四廿八
齋十五廿三為十齋亦得。但六齋乃
日廿九三十古制耳。月小以廿八代之。
佛祖統紀要略曰。帝釋升座。左右各十六天。
王隨坐。又有持國天王。增長天王。廣目天王。
多聞天王。依四門坐。是名護世四天王。以世
間善惡奏聞帝釋。及諸天王。月八日。二十三
日。大臣徧行天下。十四日。二十九日。四王太

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

子行十五日三十日四王自行觀察善惡。

還

謹按三齋六齋之意為天王之巡察故耳夫以巡察而持齋餘日則肆焉無忌非所謂掩其不善以著其善者乎况華嚴經云人生有二天人隨之一名同生一名同名人之舉意發言動步無不知之天王之巡察未必非二天人之所告也假使四天王可欺二天人其可欺乎或問如子所論

則古人立短齋之法豈以欺罔教天下後世之人與曰不然人情難與慮始可與樂成卒欲變肥甘之習以從事於蔬素是猶挽江河而超山岳也人誰與我故立短齋之法者欲其由暫以至久由勉以至安由短齋以至於長齋非謂其可以終身行之而不易也况智者大師謂此日宜修善福過於餘日不曰餘日可以不持齋也若持

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

短齋者。而曰。我。能。是。是。亦。足。矣。是。豈。古。人。

立。法。之。意。哉。

攷證二天人。藥師經。有諸衆生。為種種患害之所困厄。然彼自身卧在本處。見琰魔使。引其神識。至于琰魔法王之前。然諸有情。有俱生神。隨其所作。若罪若福。皆具書之。盡持授與。琰魔法王隨其罪福而處斷之。由是而觀。俱生神。即二天人也。於法王之前。尚不肯隱。况於四天王。而有不盡告者乎。噫。四天王其可欺乎。

○持戒篇

總論持戒

還謹按。發隱云。持戒者。既受之後。服之在膺。履之在躬。如執至寶。而臨深淵。如秉明燭。而入大闇。是謂持也。若帶浮囊之海客。被草繫之比丘。亦云可矣。然則持戒一事。其脩行之要法乎。蓋戒而不齋。猶不失為君子。齋而不戒。不免為小人。未有小人而可以成佛道者。故為要法也。然則龍舒居士。何不言五戒。十戒。二百五十戒。五十八

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

戒而獨以華嚴十業為戒者何。蓋以身口意為諸戒之本源。培其本而枝自茂。澄其源而流自清。其龍舒居士之意與。予故從其說而表章之。以見欲受諸戒者當始於十業戒也。

考證 **帶浮囊** 浮囊如帶而中空。入水不溺。然不許。乃至乞半。乞一絲毫皆悉不與。喻持戒者在生死海中。遇煩惱羅刹。欲壞我戒。一微塵許。不可得也。**草繫比丘** 諸比丘為賊所劫。掠恐其追獲。以草

繫之。佛制比丘曾不壞生草。由此安坐不敢動作。王過見之。乃得解付。如是持戒。所謂寧有戒死。不無戒生也。**五戒** 出家五衆。在家二衆。所盜三邪婬。四妄語。五不飲酒食肉。凡受諸戒者。必始於此。○經云。五戒堅持。方得人身。五戒不持。人天路絕。**十戒** 沙彌十戒也。一不殺。二不盜。三不婬。四不妄語。五不飲酒食肉。六不著華鬘纓絡。香油塗身。七不歌舞。娼妓不往觀聽。八不坐高廣大床。九不非時食。十不捉持生像金銀寶物等也。**五百戒** 也。四波羅夷法。此梵語。華言。棄犯此罪者。永棄佛法之外。又云極惡有三義。一退沒義。道果喪失。二不共住義。不得與說戒。渴磨僧中共住。三墮落義。身後當墮地。

9 10 1 2 3 4 5 6 7 8 9 20 1 2 3 4 5 6 7 8 9 30 1

獄。○十三僧伽婆尸沙法。華言僧殘犯此戒。如人被他所殘。命雖未盡。形已殘壞。少有可救之理。僧為作法除此等之罪。二不定法。比丘犯非法語罪。或以波羅夷法治之。或以僧伽婆尸法治之。或以波逸提法治之。○三十尼薩耆婆逸提法。尼薩耆華言捨。謂因財物等犯貪慢心。令捨入僧用故。波逸提華言墮。謂不捨當墮地獄。○九十波逸提法。○四波邏提提舍尼法。波羅提提舍尼華言向彼悔。僧祇律云。此罪應對衆發露。一百衆學法。善見律云。突吉羅華言惡作。謂身口所作之惡也。四分律本云。梵語名式。又迦羅也。華言應當學。謂此戒難持易犯。常須念學此戒。故不列罪名。但云應當學。○七滅諍法。謂有諍事起。即應除滅。

五十八戒

梵網經善

薩戒也。一殺。二盜。三婬。四妄語。五酤酒。六說四衆過。七自讚毀他。八憚惜加毀。九嗔心不受悔。十謗三寶。是為十重戒。一不敬師友。二飲酒。三食肉。四食五辛。五不教悔罪。六不供給請法。七懈怠不聽法。八背大向小。九不看病。十畜殺衆生具。十一國使。十二貶責。十三謗毀。十四放火焚燒。十五僻教。十六為利到說。十七恃勢乞求。十八無解作師。十九兩舌。二十不行放救。二十一瞋打報仇。二十二橋慢不請法。二十三橋慢僻説。二十四不習學佛。二十五不善衆。三十六獨受利養。二十七受別請。二十八別請僧。二十九和命自活。三十不敬好時。三十一不行放贖。三十二損害衆生。三十三邪業覺觀。三十四暫念小乘。三十五不發願。三十六不發誓。三十七冒難遊行。

9 10 1 2 3 4 5 6 7 8 9 20 1 2 3 4 5 6 7 8 9 30 1

三十八。重尊卑次序。三十九。不脩福慧。四十。揅擇受戒。四十一。為利作師。四十二。為惡人說戒。四十三。無慚受施。四十四。不供養經典。四十五。不化衆生。四十六。說法不如法。四十七。非法制限。四十八。破法。是為四十八輕戒。十總論諸戒。菩薩戒經云。菩薩先當具足學優婆塞戒。沙彌戒。比丘戒。若言不具優婆塞戒。得沙彌戒者。無有是處。不具沙彌戒。得比丘戒者。無有是處。不具如是三種戒。得菩薩戒者。別在家者。必受五戒。方得受菩薩戒。出家剃染者。必受沙彌戒。方得受比丘戒。必受比丘戒者。方得受菩薩戒。○優婆塞戒。即五戒。

龍舒淨土文曰。人生善惡。不過身口意三業。三業俱惡。是為純黑業。所以入地獄。若三業俱善。則為純白業。乃生天堂。修淨土者。常能善此三業。必上品上生。

謹按語云。君子循天理。故日進於高明。小人徇人欲。故日究於汙下。即三業善而生天堂。三業惡而入地獄之謂也。意欲三業之有善而無惡。豈易易哉。邵子云。無口

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

過易。無身過難。無身過易。無心過難。修淨業者。不忽於易而益加勉。更思其難而不畏其難。則三業何不善之有。

淨土指歸曰。觀經修十善業是圓頓行。乃出世間上上十善。感諸上善人俱會一處成佛之因也。前言三業舉其綱。此言十善業張其目。其實一也。

三業謹按指歸又曰。上品十善。有成聲聞乘者。有成獨覺乘者。有成菩薩廣大行者。有

發十力四無所畏。一切佛法皆得成就者。十善是一。發心智解有異故。不同耳。然則修淨業者。可不可以觀經之圓頓自勉。而以往生自期也哉。

改證聲聞緣覺菩薩

俱見誓願章註。

十力初門

欲明曰。佛所得自行化他法門。故說十力也。一是處非處力。二業智力。三定力。四根力。五欲力。六性力。七至處道力。八宿命力。九天眼力。十漏盡力。此十通名力者。即諸佛所得如實智用。通達一切。了了分明。無能壞。無能勝。故名力也。四無所畏

次

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

力而辨。四無所畏者。諸佛十力之智。內明了決定。故對外緣而無所恐也。一。一切智無所畏。二。漏盡無所畏。三。說障道無所畏。四。說盡苦道無所畏。此四通名無所畏者。於大衆中廣說自他智斷。既決定無失。則無微致恐怖之相。故稱無所畏也。

身殺生

三偷盜

業邪淫

還謹按殺生不止於食肉而已。偷盜不止於貪欲而已。邪淫不止於婬慾而已。不唯

為十業之首。亦為諸戒之首。蓋以是為大惡而不容逭也。然則持淨戒者。可不可以是為急務也哉。

宗鏡錄曰。諦觀殺盜淫。從一心上起。當處便寂。何須更斷煩惱。是以但了一心。自然萬境如幻。心既無形。法何有相。

還謹按此說。探本之論也。華嚴經於諸戒皆歸於一性。非宗鏡之所本乎。不惟身三

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

業為然。十業皆然。不惟十業皆然。諸戒皆然。若不探其本。而徒事其末。何戒之能持乎。淨土指歸。謂觀經修十善。業是圓頓行者此之謂也

論不殺生

華嚴經曰。性自遠離一切殺生。菩薩不畜刀杖。不懷怨恨。仁恕具足。於一切衆生有命者。常思利益慈念之心。是諸菩薩尚不惡心惱諸衆生。何況故以重意而行殺害。

梵網經曰。佛言。若佛子。若自殺。教人殺。方便殺。讚嘆殺。見作隨喜。乃至呪殺。殺因。殺緣。殺法。殺業。乃至一切有命者。不得故殺。是菩薩應起常住慈悲心。孝順心。方便救護一切衆生。而反自恣心快意殺生者。是菩薩波羅夷罪。

戒疏曰。開遮異者。大士見機得殺聲聞。雖見機不許殺。發隱曰。見機得殺者。見有當殺機宜。則行殺無害。如殺一人而救多人。斷色身

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

而全慧命。乃大士之洪規。非聲聞力量所及。
 故菩薩開聲聞遮也。問沙門專慈悲之業。王
 臣主生殺之權。有罪不誅。何以為國。答。有罪
 而殺。殺何犯焉。虞舜之誅四凶。周公之戮二
 逆。即斯義也。况復斷死必為流涕。三覆然後
 行刑。是乃即殺成慈法。既不廢恩。亦何傷國
 政佛心。兩無礙矣。問人可見機物。應無論是。
 以太牢享帝。大烹養賢。云何王臣制殺畜類。

答。人惟犯惡而服上刑。物誠何罪而就死地。
 且享祀克誠。不妨禴祭。孔甘蔬水。豈必牲牷
 宴享用牲。蓋佛法未入中國之權教耳。執權
 教而為常法。可乎。故梁武帝麪為犧牲。乃祀
 先之禮既成。又殺牲之戒不破。萬世之良法
 也。而昧者非之。問牛羊犬豕。可無殺矣。豺狼
 當道。虎豹食人。將如之何。答。猛獸懷德而渡
 河。鱷魚感誠而遠徙。果能如是。安用殺為。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

或不然。捕蝗斬蛟除害為民等國常刑應所不禁。

攷證 因緣法業

發隱曰。一念本起殺心為因。多種助成其殺為緣。殺

中資具方則為法。正作用成就殺波羅夷事為業。○餘戒因緣法業類推之。

罪見上二百五十戒註。四凶左傳昔帝鴻氏有不才子謂之窮奇。顓頊氏有不才子謂之

禍機。此三族也。卅濟其凶。堯不能去。縉雲

氏有不才子天下之民以比三凶。謂之饕餮。舜臣堯流四凶族。投諸四裔以禦魑魅。

是以堯崩而天下如一。

二逆

周武王既誅商紂。周公使

管叔監殷。蔡叔相之。管叔以殷叛。周公誅管叔而放蔡叔。○禪祭易曰東鄰殺牛不如西鄰之淪祭實受疏水論語子曰飯其福。○禪祭之薄者蔬食飲水。曲肱而枕之樂亦在其中矣。猛獸渡河漢武帝時王霸為河蓋德。鱸魚遠徙唐憲宗時韓愈為潮州政所致。鱸魚遠徙刺史時鱸魚為害。公作文祭之。鱸魚遠徙而去。

永嘉集曰。水陸空行。一切含識命無大小。等心愛護。蠢動蜎飛。勿令毀損。衣食由來。長養栽種。墾土掘地。湯煮蚕蛾。成熟施為。損傷物

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

命令他受死。資給自身。但畏饑寒。不觀死苦。
殺他活已。痛哉可傷。

楞嚴經曰。阿難。諸世界六道衆生。其心不殺。則不隨其生死相續。汝脩三昧。本出塵勞。殺心不除。塵不可出。縱有多智禪定現前。如不斷殺。必落神道。上品之人。為大力鬼。中品。則為飛行夜叉。諸鬼帥等。下品。當為地行羅刹。彼諸鬼神。亦有徒衆。各自謂成無上道。我滅度後。末法之

中。多此鬼神。熾盛世間。口言食肉。得菩提路。汝等當知是食肉人。縱得心開。似三摩地。皆大羅刹。報終必沉生死苦海。非佛弟子。如是之人。相殺相呑。相食未已。云何是人得出三界。汝教世人修三摩地。次斷殺生。是名如來先佛世尊第二決定清淨明誨。以斷姪為第一若不斷殺。脩禪定者。辟如有人自塞其耳。高聲大呌。求人不聞。此等謂欲隱彌露。清淨比丘。及諸菩薩。於岐路行不

蹋生草。况以手拔云何大悲。取諸衆生血肉充食。若諸比丘不服東方絲綿絹帛。及此土靴履。裘毳。乳酪。醍醐。如是比丘。於世真脫。酬還宿債。不遊三界。何以故。服其身分。皆為彼緣。如人食其地中百穀。足不離地。必使身心二塗。於諸衆生。不服不食。我說是人真解脫者。

攷證 大力鬼法數曰。大力鬼有八部。乾婆。毘舍闍。東天王所領。燭盤那。西天王所領。夜叉。羅刹。比天王所領。○又別

有八部。一。提婆。此云天。天然自然樂勝人。
勝。即三界二十八天也。二。那迦。此云龍守
天宮殿持地。注雨等龍也。三。夜叉。此云勇
健。亦名暴惡。有三種。一在地。二在空飛行。
三在天。守城池門閣等也。四。乾闥婆。此云
香陰。不啖酒肉。唯香資身。是天幢側樂神因
也。五。阿脩羅。此云無端正。又云無酒。在因
之時。雖行五常。欲勝他故也。詳上卷六道
中。六。迦樓羅。此云金翅。兩翅相去三百三
十六萬里。頭有如意珠。以龍為食也。七。緊
那羅。此云疑人。非人似人。而頭有角。亦天
之伎神也。八。摩睺羅伽。此云大腹行。大嶩
蛇腹行者也。○天龍八部。八龍王也。乾闥
婆。阿脩羅。迦樓羅。各有四王。摩睺羅伽。有
無量百千種王為首。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

高峯師云。殺生非殺生也。即殺佛殺父殺母殺自己也。一切衆生本未成佛。非殺佛而何。父母生形之本。我於無量劫輪廻出沒。稟形傳氣如恒河沙。形生之本充塞三界。飛搖蠢蠕。水陸空行。莫不皆是。非殺父母而何。以果報言之。我今殺他。他後殺我。因緣會時。果報定無差。非殺自己而何。乃至蚊蚋蚤蟲。諸微細虫。莫不皆有佛性。若故殺者。是斷慈悲種。

龍舒淨土文曰。殺生為五戒之首。亦為十戒之首。亦為比丘二百五十戒之首。亦為菩薩五十八戒之首。是不殺則大善。殺則為大惡。若能持此不殺戒。以修淨土。已不在下品生矣。

考證

不殺則大善

月藏云

不殺則為十功

所畏一。於衆得無心。二。於惡習業。三。斷病。四。長命。五。非人所護。六。無惡夢。七。無怨

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

恨。九。不畏惡道。**殺則為大惡**。智度論。殺有十惡。一。心常懷毒。世世不絕。二。衆生憎惡。眼不欲見。三。常懷惡念。思惟惡事。四。衆生見者如見蛇虎。五。隨時心怖覺亦不安。六。常為惡夢。七。命終之時。往怖畏死。八。種短命惡業因緣。九。身壞命終。墮泥犁中。十。若得為人。常短壽命。故當戒也。

蓮池禪師戒殺文曰。世人食肉。咸謂理所應然。乃恣意殺生。廣積冤業。相習成俗。不自覺知。昔人有言。可為痛哭流涕長太息者。是也。計其迷執。略有七條。開列如左。餘可類推云。

一曰。生日不宜殺生。哀哀父母。生我劬勞。已身始誕之辰。乃父母垂亡之日也。是日也。正宜戒殺持齋。廣行善事。庶使先亡考妣。蚤獲超昇。見在椿萱。增延福壽。何得頓忘母難。殺害生靈。上貽累於親下不利於己。此舉世修行而不覺其非。可為痛哭流涕長太息者也。二曰。生子不宜殺生。凡人無子則悲。有子則喜。不思一切禽畜。亦各愛其子。慶我子生。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

令他子死。於心安乎。夫嬰孩始生不為積福而反殺生。造業亦太愚矣。此舉世習行而不覺其非。可為痛哭流涕。長太息者二也。三曰。祭先不宜殺生。亡者忌辰及春秋祭掃。俱當戒殺以資宜福。殺生以祭。徒增業耳。夫八珍羅於前。安能起九泉之遺骨。而使之食乎。無益而有害。智者不為矣。此舉世習行而不覺其非。可為痛哭流涕長太息者三也。四曰。婚禮不

宜殺生。世間婚禮。自問名納采。以至成婚。殺生不知其幾。夫婚者。生人之始也。生之始而行殺理。既逆矣。又婚禮吉禮也。吉日而用凶事。不亦慘乎。此舉世習行而不覺其非。可為痛哭流涕長太息者四也。五曰。燕客不宜殺生。良辰美景。賢主嘉賓。蔬食菜羹。不妨清致。何須廣殺生命。窮極肥甘。笙歌厭飲於杯盤。宰割寃號於砧兀。嗟乎。有人心者。寧不悲乎。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

此舉世習行而不覺其非。可為痛哭流涕長太息者五也。六曰。祈禳不宜殺生。世人有疾。殺生祀神。以祈福祐。不思已之祀神。欲免死而求生也。殺他命而返我命。逆天悖理莫甚于此矣。夫正直者為神。神其有私乎。命不可返。而殺業具在。種種淫祀。亦復類是。此舉世習行而不覺其非。可為痛哭流涕長太息者六也。七曰。營生不宜殺生。世人為衣食故。或

畋獵。或漁捕。或屠牛羊猪犬等。以資生計。而我觀不作此業者。亦衣亦食。未必其凍餒而死也。殺生營生。神理所殛。以殺昌裕。百無一人。種地獄之深因。受來生之惡報。莫斯為甚矣。此舉世習行而不覺其非。可為痛哭流涕長太息者七也。

還謹按賈生為其主痛哭流涕。義固然耳。運師所告者。越人也。不談笑以道之。而亦

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

爲之痛哭流涕者何哉。蓋其惻怛慈愛之心。誠於中而形於外。視人之殺。如已殺之。故其見乎詞者。悲悽激烈。而不能若是恝也。今人讀斯文。而不能已於殺者。不惟自喪其良心。其有負於吾師之激勸者。不已多乎。

考證 賈生漢文帝時。洛陽少年。賈誼。上治安策云。可為痛哭者。可為流涕者。二。可為長太息者。六。越人。孟子曰。有人於此。越人

彎弓而射之。則已談笑

而道之。無他。跡之也。其兄彎弓而射之。則已垂涕泣而道之。無他。戚之也。

振曰。不殺。非止躬不操刃。指不調羹。即遇物而萌一欲殺心。或聞殺而不憐。見殺而不擁護。皆殺機未斷也。推此殺機。冒糾枳棘。性畜戈矛。近殺一身。遠殺天下。故色授魂與而空其體。此以花箭殺也。掇絳拾塵而肆其詞。此以舌鋒殺也。垢首攘臂而逞其毒。此以噴火殺也。明攘掩竊而窮其

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

索此以貪刃殺也。殺機之為害大矣。脩淨行者以慧劍斷機心。殲吾悲願。脫彼苦際。在世則並生天壤報滿。則同生淨國。豈不樂哉。

迴向文

見袁氏功課錄。但彼迴向十方三世諸佛持誦準提呪。而此則一心皈命極樂世界阿彌陀佛耳。後三文俱同。

稽首西方極樂世界阿彌陀佛。稽首三洲感應護法常馱尊天。竊唯聖人愛物。天地好生。

養茲不忍之心。便是為仁之本。弟子某遵佛明誨。不敢殺生。但蠢動含靈。皆為物命。凡愚業重。動輒相殘。縱從今不殺一生。念已往難酬萬命。特念阿彌陀佛若干聲。仗茲佛力。使我弟子自今以往。慈悲雙運。禁戒獨嚴。從前受害之生。悉從超度。衆生嗜殺之罪。咸與消除。戶戶持齋。現世斷刀兵之慘。人人戒殺。地獄空冤對之門。願佛慈悲。哀憐攝受。願常馱憐。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

憫為作證明。令惡緣消散。善事圓成。淨因日增。往生如願。未二句新增。

考證悉從超度

龍舒淨土文祝云。弟子其謹為此南閻浮提今日所

殺所食之衆生。念誦南無西方云云阿彌陀佛一百二十遍。仰惟如來大慈大悲。以某念誦如來名號。一聲一如來度一衆生。盡其念誦之數。亦復如是。盡度生於極樂世界。刀兵語云。世上欲無刀兵。究竟對佛印禮拜。劫除非衆生不食肉。究對禪師戒殺文曰。只知恣性縱無明。不惧陰司臺髮記。命纔終。冤對至。面覩閻王爭敢諱。從頭一一報無差。爐炭鑊湯何處避。

還謹按廻向。不止於佛前禮誦而已。須於行住坐卧。一切處所。念茲在茲。庶無違犯。斯為真廻向矣。若止於佛前禮誦。則與其進。不與其退。廻向云乎哉。持戒之士。尚其勉之。

考證與其進

論語子曰。與其進也。不與其退也。註云。與其進見而為善。

為不善也。而

附放生

慈心功德錄曰。或云持齋不食肉勝如放生。
答云。不食肉者。但能絕殺緣。僅免一己過。而
無濟物功。佛所以教人持齋。正欲其增慈悲
心。今之齋者。雖不食肉。亦不肯放生。是名無
慈悲人也。嗟乎。終年食素。曾無濟物之功。一
旦捨財。便有放生之德。昔我佛尚割身肉以
貸鴿。為弟子者。不能捨幻財以贖命。豈有成
佛之因哉。

蓮池禪師放生文曰。蓋聞世間至重者生命。
天下至慘者殺傷。是故逢擒則奔。蟻蟲猶知
避死。將雨而徙。蝼蟻尚且貪生。何乃網於山
罟於淵。多方掩取。曲而鉤直而矢。百計搜羅。
使其膽落魂飛。母離子散。或囚籠檻。則如處
囹圄。或被刀砧。則同臨剴戮。憐兒之鹿。舐瘡
痕而寸斷柔腸。畏死之猿。望弓影而雙垂悲
淚。恃我強而凌彼弱。理恐非宜。食他肉而補

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

己身。心將安忍。由是旻天垂憫。古聖行仁。解網著於成湯。畜魚興于子產。聖哉流水潤枯槁。以囊泉悲矣釋迦。代危亡而割肉。天台智者。鑿放生之池。大樹僧行。護棲身之鳥。贖魚蝦而得度。壽禪師之遺愛猶存。救龍子而傳方。孫真人之慈風未泯。一活蟻也。沙彌易短命為長年。書生易卑名為上第一。放龜也。毛寶以臨危而脫難。孔愉以微職而封侯。屈師

縱鯉於元村。壽增一紀。隋侯濟蛇於齊野。珠報千金。拯已溺之蠅。酒匠之死刑免矣。捨浮烹之鱉。廚婢之篤疾瘳焉。貿死命於屠家。張提刑魂超天界。易餘生於釣艇。李景文毒解丹砂。孫良嗣解矰矰之危。卜葬而羽蟲交助。潘縣令設江湖之禁。去任而水族悲號。信老免愚民之牲。祥符甘雨。曹溪守獵人之網。道播神州。雀解嘶珠報恩。狐能臨井授術。乃至

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

殘軀得命。垂白壁以聞經。難地求生。現黃衣而入夢。施皆有報事匪無徵。載在簡編。昭乎耳目。普願隨所見物。發慈悲心。捐不堅財。行方便事。或恩周多命。則大積陰功。若惠及一蟲。亦何非善事。苟日增而月累。自行廣而福崇。慈滿人寰。名通天府。蕩空冤障。多祉革於今生。培清善根。餘慶及於他世。儻更助稱佛號。加諷經文。為其廻向西方。令彼永離惡道。

則存心愈大。植德彌深。道業資之速成。蓮臺生其勝品矣。

攷證

斷腸鹿

許真君少時好獵。一日射中一

母亦死。真君剖其腹而視之。腸寸寸斷。蓋

為憐子死。悲傷過甚。至於腸斷。真君大恨

悔過。折弓矢。入山脩道。成仙。

垂淚

楚王與養由基出獵。

由基即淚下。知其解網。

商王成湯出遇獵

必死而悲泣也。

解網人布四面網。湯王

為解三面。只留其一。祝

曰。不用命者。乃入吾網。

畜魚

有饑生魚於

畜之池中。

囊泉金光明經云。流水長者子。出見

十千游魚。困涸水中。將斃。用象

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

囊水傾注得全復為說

割肉

釋迦牟尼佛時

法魚命過皆生天上。鵠逐鵠。鵠投身避難。鷹語菩薩。爾欲拯

鵠。柰何令我饑死。菩薩割臂肉償之。鷹欲肉與鵠等。菩

薩割肉彌割彌輕。至肉將盡。不能等鵠。鷹

問生悔恨否。菩薩答。吾無悔恨。若此語不

虛當令吾肉生長如故。是願已生長如

故鷹化天帝身。空中禮拜讚嘆。鑒池天台智者大師諦智

生。護鳥古有仙人嘗坐一大樹下。思禪入

定。有鳥棲其懷中。恐驚鳥故。跏趺

不動。候鳥別棲。然後出定。贊魚蝦永明壽禪師。初為餘

魚蝦等物放生。後坐監守自盜。當棄市。吳

越王頗知其放生也。踰行刑者。觀其詞色。

僧入冥見閻王禮一僧像。問之。則永明師。

已生西方上品。關王。救龍子。孫真人。未

其德。故時時禮拜耳。

童擒一蛇。困憊將死。真人買放水中。後默

坐間。一青衣來請。而赴之。至一官府。王

者延之上坐。曰。小鬼。昨者出遊。非先生則

死矣。出種種珍寶為謝。真人不受。上逐出

王。筭三十六方。真活蟻。昔有沙弥侍一尊

人。由是醫術彌精。活宿知其命盡。

令還家省母。囑云。七日當返。欲其終於家

也。七日返。師恠之。入三昧勘其事。乃還家

時。見羣蟻困水中。作橋渡之。蟻得不死。由

此高壽。○宋初宋祁。兄弟也。俱應試。如嘗

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

見羣蟻為水所浸。編竹橋渡之。蟻得不死。時有胡僧覩其面驚曰。公似曾活數百萬命者。如以活蟻對僧。曰是已。公弟當大魁多士。然公亦不出第下。後唱名。祈果首選朝廷。謂不可以弟先兄。改初第十。以訣為第一也。放龜。毛寶微時一龜買而放之後。為將戰敗。赴水。覺水中有物承足。遂得不溺。及登岸。觀承足者。前有所放龜也。○孔愉。本一卑官。亦曾放龜浮水中。頗回首望。然後長逝。後偷以功當侯。鑄印時。印上龜鈕。其首四顧。更鑄如舊。鑄者大恠。惟以告愉。愉忽憶放龜之時。龜首回顧。恍然悟。封侯。縱鯉。屈師於元村。遇一赤者。放龜之報也。縱鯉。買放之。後夢龍王。延至宮中。謂曰。君本壽終。以君放龍。壽增一紀。濟蛇。隋侯。隋國。路見一蛇。終以君故。龍壽增一紀。

因於砂磧。首有血出。以枝挑入水中而去。後回至蛇所。蛇啞一珠向侯。侯不敢取。夜夢見脚踏一蛇。驚。擇一酒匝。見蠅投酒。覺乃得雙珠焉。拯蠅。甕。取放乾地。以灰壅之。蠅得活。如此。日各放蠅數多。後為盜逼。無能自白。獄將成。主刑者援筆欲判。大蠅輒集筆尖。揮云復集。判之莫得。因疑其冤。詳詰之。則誣也。呼盜。一訊而服。遂得釋歸。捨蠅。程氏夫婦性嗜蠅。鬻脩事主醫。遂放池中。主回索蠅。遂遭痛打。後婢感疼。將死。家人舁至水閣。夜忽從池中出。負泥塗婢身。乃甦愈。主恆不死。詰之。具以實對。主不信。至夜潛窺。則向所失蠅也。閭門驚嘆。張提刑常詣屠家。水不食蠅。

9
9
10
10
1
2
3
4
5
6
7
8
9
20
1
2
3
4
5
6
7
8
9
30
1
2
3
4
5
6
7
8
9

卷之三

卷之三

卷之三

臨終。語家人云。吾以放生故。天
官來仰。當上生矣。安然而逝。

毒解丹砂

李景文常就漁人貨其獲。仍放水中。景文素服丹砂。熟積成痕。藥莫能療。昏寐以羈。

魚濡沫其毒，清涼快人。疾遂得瘥矣。解矰繳之危，禽鳥被獲遇。

輒買緜之後。死欲葬。貧莫能措。有鳥數百。苟泥疊壘。觀者驚歎。以為慈感所致。設

江湖之禁 漁縣令潘公禁百姓不得入江湖。捕後去任。水中大作號呼之聲。

信大而選時尤
之莫不歎其異也。免牲旱民殺牲請雨
師閱其愚謂曰汝能勿用牲吾為汝請民

化先之師乃精誠以待甘雨驟降遠近多感
于周六祖既佩黃梅心印以俗眼惡肅

者。寧。細人中。令守網。祖瞰其亡也。獐兔之

類可放者輒放之。如是十六年後坐曹涖

道場廣度羣品燈分五宗澤垂萬世焉。崔盱張楊竇幼時見黃雀為梟鳥所搏墮

入門，玉地復為蠻蠻，明因取而畜之，笥中。

贈王榮四極曰王母使者萬君濟余願子孫累矣後四世貴顯狐臨井二僧聞黃

欲試之。置黃精於枯井。誘人入井。覆以磨
礪。其人在井。惶急無計。忽一狐駕其人。語其

人言君無憂當教汝術。我狐之通天者。穴於冢上。卧其下。目注穴中。久之則飛出。仙

經所謂神能飛形者是也。君其注視磨盤之孔乎。吾昔為獵夫所獲。賴君贍命。故未

報恩事。幸勿忽也。人用其詩。苟錄飛出。僧大喜。以為黃精之驗。乃別衆。負黃精入井。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30 1

約一月餘開視至期白壁聞經蓮師曰予

掛搭一庵

有人擒蜈蚣數條以竹弓弓其首尾予贖放之餘俱半死唯一全活急走而去後共一友夜坐壁有蜈蚣焉以木尺從傍極力敲振驅之使去竟不去予曰昔所放得非爾耶爾其未謝予耶果爾當為爾說法爾諦聽毋動乃告之曰一切有情唯心所造心狠者化為虎狼心毒者化為蛇蝎爾除毒心此形可脫也言畢令去則不待驅逐徐徐出窓外友人在坐驚惶希有時隆慶四年事也黃衣入夢杭州干氏者有隣家被盜女送蟠魚十尾為母問安畜甕中亡之矣一夕夢黃衣尖帽者十人長跪乞命覺而疑之下諸術人曰當有生命求放耳編索室內則甕有巨鯢在

馬數之正士大驚放之時萬曆九年事也不堅財謂水得漂火得焚官得聚盜得劫危脆無常非堅物故又曰幻財或謂穹蒼名通天府或謂穹蒼相通不知天王以六齋之日巡狩人間無善不知無惡不察又行十善則天勝人行十惡修羅勝故天帝時時欲人為善一人為善則飛天神玉報達天京經有明文非臆說也

放生祝願

放生已對佛像前至心禮拜白言弟子某一心皈命極樂世界阿彌陀佛我遵先佛明誨

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

今行放生。已得若干。以此功德。願我罪業消除。冤愆解釋。所修善根。日益增長。命終之際。身心安隱。正念分明。蒙佛接引。生極樂國七寶池內蓮華之中。華開見佛。得無生忍。具足佛慧。以大神力。凡我所放一切生命。以及十方無盡有情。盡得度脫。成無上道。願佛慈悲哀憐。攝受發願已。念佛或百聲。或千聲。萬聲。隨意多少。

放生呪

佛言水中有微細蟲類。凡眼不能見者。故律中教人以囊瀘水。方飲。若人能書護生陀羅尼。沉於河井。及盛水器中。并為誦呪念佛名號。七遍。其蟲皆生善趣。今書陀羅尼于後。

唵嚩悉波羅摩尼莎訶

光明自在王

南無歡喜莊嚴諸王佛

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

南無寶髻如來

還

謹按佛慈之所及。不特水中微蟲而已。
佛又言燈燭焰上有一等微細衆生。吞其
光以為命。吹之即死。故佛教人勿吹燈燭。
恐損其命。由此推之。天下豈有不愛護之
衆生也哉。故嵩禪師云。至微衆生。人所不
能見者。惟佛慈能及之。此佛慈所以彌綸
十方而無間也。

論不偷盜

華嚴經曰。性不偷盜。菩薩於自資財。常知止足。於
他慈恕。不欲侵損。若物屬他。起他物想。終不於此
而生盜心。乃至草葉不與。不取何況其餘資生之具。
鈔曰。終不盜心者。應言盜心取也。若無盜心。
雖知他物或暫用取。或同意取。或擬令他知。
皆非盜也。

梵網經曰。若佛子自盜。教人盜。方便盜。呪盜。盜。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

因盜緣盜法。盜業乃至鬼神。有主劫賊物。一切財物一針一草。不得故盜。菩薩應生佛性。孝順心慈悲心。常助一切人生福生樂。而反更盜人財物者。是菩薩波羅夷罪。

改證方便盜呪盜

盜前方便。竈牆發論之類是也。呪盜者。有惡罪謀。又須密議。讚歎隨喜。事希故畧之也。

乃至鬼神。乃至者。從重至輕。一鬼神物。二但係有主物。三劫賊物。四一切物也。

高峯師云。一切物無貴賤。無大小。人不與之。起心故取。是偷盜也。從上佛祖為求道業。洞觀諸相空寂。至若頭目髓腦。悉皆捨與。而况身外浮幻財帛。視如游塵。雖強使我取。亦取亦不可取。而况自取。或路行遇他所遺之物。不以自視。何況手捉。以至錢財物貨。隱匿官稅。不行輸納。同名偷盜。為貪著所使。既貪心不減。則捨離世間福德種也。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

還誰按管寧華歆為友。嘗共園鋤菜。見地

有金。寧麾鋤不顧。歆則捉而擲之。以是

知其優劣。今世之人。匿稅不輸者衆矣。求

如華歆者。尚不能得。况如管寧乎。噫。宜淨

業之難脩也。可慨夫。

考證

寧

優劣

後漢時。公孫度威行海外。當寧避亂歸之。乃廬山谷。每見度語。唯經典。不及世事。由是度安其賢。

民化其德。終身不仕而卒。歆則仕於曹操。

立

同焉。

以管寧貴如海。大小入下耳。

楞嚴經曰。阿難。又復六道衆生。其心不偷。則不隨其生死相續。汝脩三昧。本出塵勞。偷心不除。塵不可出。縱有多智禪定現前。如不斷偷。必落邪道。上品精靈。中品妖魅。下品邪人。諸魔所著。彼等羣邪。亦有徒衆。各自謂成。無上道。我滅度後。末法之中。多此妖邪。熾盛世間。潛匿奸欺。稱善知識。各自謂已得上人法。該惑無識。恐令失心。所過之處。其家耗散。我教比丘。循方乞。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

食令其捨貪成菩提道。云何賊人假我衣服。裨
販如來造種種業皆言佛法。由是疑悞無量衆。
生墮無間獄汝教世人脩三摩地後斷偷盜是名
如來先佛世尊第三決定清淨明誨若不斷偷
修禪定者譬如有人水灌漏卮欲求其滿縱經
塵劫終無平復。

考證 上品精靈宗鏡錄云夫神何耶精極而靈者也春秋傳云其用物弘矣其取精多矣用物弘而取精多是亦偷盜之類也有不精極而靈者乎至於

精絕而靈竭必墮惡道矣

迴向文見袁氏功課錄

稽首西方極樂世界阿彌陀佛。稽首三洲感應護法。常馱尊天竊唯人生百行廉潔為先。哲人常畏夫四知。往聖每嚴夫一介。弟子某遵佛明誨。不敢偷盜。但充義至精。省身難盡。暫墮小節。輒悞平生。所得未及毫毛。所喪已踰山嶽。特念阿彌陀佛若干聲。仗茲佛力。使

9
10
1
2
3
4
5
6
7
8
9
20
1
2
3
4
5
6
7
8
9
30
1
2
3
4
5
6
7
8

我弟子自今以後。恥心益烈。清德彌高。辭受

協宜。米榮勵節，覩吾面而鄙夫易慮。聞吾名

願佛慈愍。蒙彌受。願常默彌闍。為作證明。

使惡緣消散。善事圓成。淨因日增。往生如願。

考證四 知震却之。其人曰。暮夜無知者。震知我。孟子曰。非其義。則

孟子曰。是充牴至義之盡也。鄙夫

論語曰。鄙夫可與事君也與哉。其未得也。患得之。既得之。患失之。苟患失之。無所不至。子曰。聞伯夷之風者。食夫麮八塗矣。孟子曰。聞伯夷之風者。食夫麯八塗矣。

附弭盜篇

蓮池禪師撰

九月望日。衆僧說戒。有出衆長跪。自陳其過。
曰。某犯偷盜。視之。則含虛居士也。予曰。居士素循謹奉法。焉得有此。居士曰。非然也。眼盜色。耳盜聲。鼻盜香。舌盜味。乃至意之盜法也。皆取非其有者也。謂之非盜可乎。惟願慈悲。

為我懺罪。予曰：天下之言盜者有二。我往彼而取之者，竊盜也。物自未而取之者，攘盜也。居士試思之。眼之盜色也。其諸眼至於色，取色而歸之眼與。曰：眼未嘗至於色也。其諸色至於眼，眼隨而取之與。曰：色未嘗至於眼也。如是則非竊非攘也。曷為盜？居士曰：眼不至色。色不至眼。而為之媒者，識也。如青黃等偶，之眼而攬之乎？識田。是故識為盜。予曰：是則

是矣。然證盜者必出其贓。是青黃等。今且取而出之。居士曰。青黃雖不可得。而靜言思之。宛然如在於心目。故曰識為盜。予曰。是則是矣。既得其贓。當治其盜。色有青黃。盜色之識。青與黃與。居士曰。色本自無。從緣而有。體性空寂。誰睹青黃。予曰。能盜之識既無。所盜之色何有。兩處非實。安得名盜乎。反覆窮之。盜不可得。而子將奚懾。居士慚然曰。快哉斯論。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

不懾之懾。真懾也。上士行之斯其宜矣。中下
之士。如之何則可。予曰。盜之入人室也。必瞰
其睡眠。境之入人心也。必乘其昏昧。未有室
主惺惺而盜肆其志者。未有心王厯厯而境
得其便者。曰。大盜至。刦而取之。又焉在其不
睡眠也。予乃為之頌曰。君明臣良。綱舉目張。
鍊彼臘貅。固其金湯。敵國寢謀。外夷來王。雖
有巨盜。烏乎不亡。居士載拜稽首曰。請事斯

語。以為弭盜之良方。

還謹按偷盜不同。有有形之盜。有無形之
盜。前三經所論者。有形之盜也。蓮師所論
者。無形之盜也。有形之盜。其罪有限。無形
之盜。其禍無窮。况有形之盜。易於禁止。無
形之盜。難於遏絕。今人繼能禁止其有形
之罪。孰能遏絕乎。無窮之禍哉。噫。不惟不
能遏絕而已也。認賊為子。人人皆然。是可

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

嘆也已。

考證 頌曰 心為一身之主。猶君也。耳目之類。各有所司。猶臣也。心不蔽於色。耳不惑於聲。六賊俱為之消亡矣。吾之家寶。又孰能劫而取之也。其與國之君明臣良。則政平事理。兵強守固。而巨盜不能乘其便者。不事異而理同。故曰。不識之懺。真懺也。綱舉目張。言大小政事。猶如兵之強也。金湯金池。言守之固也。

論不邪婬

華嚴經曰。性不邪婬。菩薩於自妻知足。不求他妻。於他妻妾。他所護女。親族媒定。及為法所護。尚不生於貪染之心。何況從事。況於非道。梵網經曰。若佛子自婬。教人婬。乃至一切女人。不得故婬。婬因。婬緣。婬業。乃至畜生女。諸天鬼神女。及非道行婬。而菩薩應生孝順心。救度一切衆生。淨法與人。而反更起一切人婬。不擇畜生。乃至母女姊妹。六親行婬。無慈悲心者。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

是菩薩波羅夷罪。

戒疏發隱曰。梵網不發誓戒。首誓欲染者。良以身生於欲。欲成於女。濬恩愛海。牢生死根。無過女色矣。故首誓之。寧將此身受烈火焰中焚燒之苦。大坑穿中陷沒之苦。刀劍山頭刺割之苦。萬苦交攢。吾寧忍之。終不忍違背聖經。共諸女人作不淨行。良以紅爐白刃。壞色身于一時。花箭密鋒。沉慧命於萬劫。苦中

較苦。苦有重輕。寧忍此而不為。彼誓要決絕至極之語也。昔有坐禪比丘。庶可免此矣。學人誦戒至此。尚其寒心切骨而力持之。

還

謹按淨名經云。維摩詰示有妻子。常修梵行。則正婬雖不制而自制矣。况邪婬哉。在家修行者。僅制邪婬。亦云末矣。而況邪婬之不能免也。噫。

考證

邪婬 戒疏曰。五衆邪正俱制。二衆但制邪婬。然自妻非道。非處產後乳。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

卷之三

音序

三

兜姪等。皆以為邪姪。○出家五衆。比丘尼沙彌尼式叉摩那。女子出家未落髮者也。在家二衆。優婆塞。優婆夷。

息滅邪心。是淨法與人。孝順心。生皆我父母。名孝順心也。淨法與人。有長者子。名達幕多羅。以千兩金要入竹林。同載而去。文殊師利於中道變為白衣。身著寶衣。衣甚嚴好。女人見之。貪心內發。文殊言。欲得衣者。當發菩提心。女曰。何等為菩提心。答曰。汝身是也。女曰。云何是菩提心。空。汝身亦空。以此故是。此女曾在迦葉佛所宿植善根。本修智慧。聞是說。即得無生法忍。還與長者子入竹林。自現身死。脣張臭爛。長者子見已。甚大怖畏。往詣佛所。佛為說法。亦得法忍。由此觀之。

淨法與人。坐禪比丘。發隱曰。昔有坐禪比丘。魔化美女。說偈誘惑。比丘答曰。無羞敝惡人。說此不淨語。水漂火焚之。不欲見聞汝。魔嘆曰。海水可竭。須彌可傾。彼上人者秉志堅貞。堅貞者勇烈也。

楞嚴經曰。阿難。若六道衆生。其心不婬。則不隨其生死相續。汝修三昧。本出塵勞。婬心不除。塵不可出。縱有多智禪定現前。如不斷婬。必落魔道。上品魔王。中品魔民。下品魔女。彼等諸魔。亦有徒衆。各各自謂成無上道。我滅度後。末法中。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

多此魔民熾盛世間。廣行貪婬為善知識令諸衆生落愛見坑。失菩提路。汝教世人修三摩地先斷婬心。是如表先佛世尊第一決定清淨明誨。若不斷婬。名禪定者。如蒸砂石。欲其成飯。經百千劫。祇名熟砂。何以故。此非飯本。砂石成故。汝以婬身求佛妙果。縱得妙悟。皆是婬根。根本成婬。輪轉三塗。必不能出。如來涅槃。何路修證。必使婬機身心俱斷。斷性亦無。於佛菩提斯可。

希冀。

還謹按楞嚴止曰。婬心而不曰邪婬。何也。蓋婬心者。邪婬之本。華嚴梵網則伐其枝。而楞嚴則拔其本矣。本有不拔。則萌蘖旋生。雖斧斤日尋焉。亦何益之有哉。

考證愛見坑。初門曰。論煩惱根本。不出見名之為見。若於假實之理。情迷而倒想邪求。邪見偏理。妄執為實。通名為見。見煩惱者。謂五利使。見諦所斷。十八使。六十二見等也。○二愛煩惱者。貪染之心。名之為

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

愛若於假實二事情迷隨心所對一切事
境染著纏綿通名為愛。愛煩惱者謂五鈍
使思惟所斷十使及所斷結流愛扼纏蓋
纏等也。○八十八使利鈍十使俱見下卷
念佛篇。第一清淨明誨。姪戒也。發隱曰。姪者
大悲。惟怖生死故姪先殺者慈悲之敵。大
士不怖生死。大悲普度故殺先也。○予問
師答曰。佛適有感於摩登伽之事。故以姪
為先耳。雖然姪殺俱為重戒。先後不必論也。

迴向文

見袁氏功課錄

稽首西方極樂世界阿彌陀佛。稽首三洲感

應護法常馱尊天。竊惟喪德喪名皆由於色。
損福損壽無過於姪。故守身必斷夫情塵而
戒行尤嚴於衽席。弟子某遵佛明誨不敢邪
姪。但愛波易染每對境以平沉慾戒曾持或
臨岐而墮落一思敗軌幾負刺心特念阿彌
陀佛若干聲仗茲佛力使我弟子自今以後
定性如澄潭之月應色如過樹之風觀臭穢
于革囊不受骷髏之熱誑悟毒蛇于花莖永

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

拋恩愛之深纏。化起于閨門。禮傳於薄海。男
外女內。家家成有別之風。夫唱婦隨。世世守
無邪之訓。願佛慈悲。哀憐攝受。願常馱憐憫
為作證明。令惡緣解散。善事圓成。淨因日增。
往生如願。

口妄言○

四語○

業兩舌○謹言

口妄言○

四語○

業兩舌○謹言

妄言○

四語○

業兩舌○謹言

妄言○

四語○

業兩舌○謹言

謹按口業雖四。其要在於謹言。能謹則
不妄發。而口之所以離四過也。否則不傷
於易。則傷於煩。而四業難乎免矣。故易繫
寡辭。語記欲訥。老云守中良有以夫。

考證傷易傷煩

言歲曰。傷易則
傷煩則

寡辭

易繫

吉人之辭寡。躁人之辭多。欲訥論語。子曰。君子欲

於言而敏於行。守中

老子曰。多言數窮。不如守中。

論不妄言

華嚴經曰。性不妄言。菩薩常作實語。真語。時語。乃至夢中亦不忍作覆藏之語。無心欲作。何況故已。

疏曰。違想背心。名之曰妄。鈔云。設違於境。若順於心。不名妄故。

見言不見。身心妄語。而菩薩常生正語正見。亦生一切衆生正語正見。而反更起一切衆生邪語邪見邪業者。是菩薩波羅夷罪。

戒䟽發隱曰。外正語。內正見。合上身心。是不敢道非凡。不敢道聖。皆正語正見也。

知也
攷證見言不見

攷證見言不見發隱云。問。佛見鬼入而言。不見是妄語否。答云。為救鬼故。前殺戒所謂無所違犯。生多功德者是也。○鬼入而言。不見是違於境。為救鬼

楞嚴經曰。如是世界六道衆生。雖則身心無殺盜淫三行已圓。若大妄語。即三摩提不得清淨。成愛見魔失。如來種所謂未得謂得。未證言證。或求尊勝第一。謂前人言我今已得。求彼禮讞。貪其供養。惑亂衆生成大妄語。汝教世人修三摩地。復斷除諸大妄語。是名如來先佛世尊第。四決定清淨明誨。若不斷其大妄語者。如刺人。糞為旃檀形。欲求香氣無有是處。若諸比丘。

如直弦。一切真實。入三摩地。永無魔事。我印是人。成就菩薩無上知覺。

律儀要略曰。妄言謂以是為非。以非為是。見言不見。不見言見。虛妄不實等。若凡夫自言證聖名。大妄語。其罪極重。除為救他急難。方便權語。餘俱不可。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

有妄緣。二妄相因而生妄語。以我一言之妄。
誤引他人百種之非。無邊欺詐。隱覆其中。害
物害人。不可勝紀。無形之患。莫甚于斯。故不
妄語者。即真實種也。真實種既斷。佛道從何
而得焉。外有方便妄語者。護善遮惡。為利他
故。不名犯戒。

八九振曰。口四業中。惟妄言易生而難除。何也。
吸直世人習染成妄。妄想紛飛。發為妄言。種種

不一。凡形于詩歌。著于賦頌。托于碑銘序
記。而援引遷就。背理失真者。妄也。自智其
計。而以其失窮之。自勇其斷。而以其敵怒
之者。妄也。未信而強言以眩之。未合而甘
言以鉤之者。妄也。以便絕取勝。以巧僥倖
悅者。妄也。以奇麗飾聽聞。以譎浪洽情況
者。妄也。聞一密論。不能容受。而輕泄人前
者。妄也。聞人小過。不為隱庇。而飾成大罪

者妄也。外言入相。內言出相。內外掩覆而偏曲不公者。妄也。事在彼而言此。事在此而言彼。言在事後。事前而不當機中窺者。妄也。見聞未廣而遽立議。以褒貶古今。涉世未深。而喜隨俗以校量是非者。妄也。毋妄則誠矣。誠則妄想潛消。妄緣自斷。中無隱情。外無媿辭。金石可貫。鬼神可格。矧如來光徹十方。有不引之登淨域乎。昔無業禪師設

講汾陽。凡學者致問。必荅之曰毋妄想。夫妄想乃妄言之根。修淨行者。亟宜勇猛絕之。

稽首西方極樂世界阿彌陀佛。稽首三洲感應護法。常馱尊天竊唯白圭易玷。良駟難追。三緘循慮招尤。半句能銷現福。弟子某遵佛明誨。不敢妄言。然浮氣欲收而常肆。微言思

回向文見袁氏功課錄此文闕大妄語及綺語兩舌惡口意今皆補之

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

慎而屢訛。非特敢於欺人。抑亦熟於昧已。特念阿彌陀佛若干聲。仗茲佛力。使我弟子自今已後。修未證於有餘。勿以無餘而自讚心。尚居於有漏。勿以無漏而自揚。修詞立誠。啓口見德。華言麗語。不形於齒唇。鬪邁熱惱。不騰於煩輔。上可以對天地。下可以質鬼神。小可以孚豚魚。大可以格衆庶。輕浮者尚實。矯偽者獻忱。凡茲含齒之徒。盡洽由衷之化。願

佛慈悲哀憐攝受。願常駛憐憫。為作證明。令惡緣消散。善事圓成。淨因日增。往生如願。

還謹按諸戒中止有妄言者。何律儀要略云。妄言有四。綺語兩舌惡口。皆妄言類也。信乎戒口業者。當以妄言為首務。所謂口離四過者。不外此而得之矣。

考證白圭易玷詩白圭之玷曰。白圭之玷尚可磨也。斯言之玷不可也。良駟難追論語子貢曰。三縕家語孔子也。良駟不及舌觀周太廟三日矣。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

有金人三絰其弓而銘其背曰。古之慎言人也。戒之哉。毋多言。多言多敗。半句語云。半句非言。折盡平生之福。有餘無餘。發隱曰。將盡習有餘涅槃。除習已盡者。氣者。菩薩也。名如未也。名無餘涅槃。無漏淨土或問云。真無漏故名為實。○實者實聖也。修詞立誠。易繫辭曰。君子修詞立其誠。所以孚豚魚。易曰。中孚。豚魚吉。○居業也。春秋胡傳曰。大道隱而家天下然後有詔誓。忠信薄而人心疑。然後有詛盟。盟詛而約剗。然後有交質子。其未至於交質子。猶有不信者焉。故左傳曰。信不由衷。質無益也。○貨音致。

論不綺語

華嚴經曰。性不綺語。菩薩常樂思審語。時語。實語。義語。法語。順道理語。巧調伏語。隨時籌量決是語。定菩薩乃至嬉笑尚恒思審。何況故出散亂之言。

律儀要略曰。綺語。謂粧飾華詞麗語浮靡惑人等。

謹按羅綺本於散亂之絲。既其既成。則

有華麗之美。然則以散亂之言為綺語者。原其始也。以華詞麗語為綺語者。要其終也。

論不兩舌

華嚴經曰。性不兩舌。菩薩於諸衆生。無離間心。無惱害心。不將此語為破。彼故而向彼說。不將彼語為破。此故而向此說。未破者不令破。已破者不增長。不喜離間。不說離間語。若實若不實。

梵網經兩舌戒曰。若佛子以惡心故。見持戒比丘。手捉香爐行。菩薩行。而闡違兩頭。謗欺賢人。無惡不造者。犯輕垢罪。

戒疏發隱曰。謗彼賢人。為造惡。闡違兩頭。縱實亦犯。况今是虛語乎。此戒不但是闡違比丘。推之則讒亂人君臣。離間人骨肉者。皆是類也。始知洛黨蜀黨。非程蘇之本意。而猶議圓悟高僧為黨者。夫黨之事。世之君子不為。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

而况明道如二老者耶。蓋關邁自是一時徒衆耳於二老何與哉。

還謹按虞書曰。予違汝弼。汝無面徒退有後言。亦兩舌之類也。嗚呼。良朋相遇。猶以兩舌告戒。况常人乎。

改證

三黨 通鑑宋哲宗時。羣賢不能以類相從。遂有各黨羽黨。祠黨之語。各黨以程頤為首。而朱光庭等為輔。蜀黨以蘇軾為首。而呂陶等為輔。荆黨以劉摯為首。而輔之者尤衆。各為黨比。以相訾議。

圓悟高庵 或謂蓮師。

傳 分曹樹黨。兩家各統門徒。二老安得無與。答云。蘭相如尚忍私讐。劉元城不失和氣。彼圓悟高庵繼祖傳燈。代拂揚化。猶有這箇在。何名那伴人。是將以丹朱決遊而罪。是帝堯無義方。冉求聚斂而譏孔子非善教。是將以六羣亂德。二衆分河。而謂釋迦未言免好勝。否耶。

論不惡口

華嚴經曰。性不惡口。所謂毒害語。麤曠語。苦他語。令他瞋恨語。鄙惡語。庸賤語。嗔忿語。如火燒心語。怨結語。熱惱語。不可樂聞語。能壞自身他

身語。如是等語。菩薩悉皆捨離。常作潤澤語。柔軟語。悅意語。可樂聞語。善入人心語。風雅典則語。身心踊悅語。

龍舒淨土文曰。所謂惡口者。乃惡怒之口。唯言語不溫和耳。今人所謂惡口。直為穢語矣。惡口果報。固已不佳。若穢語。則地獄畜生之報也。世人多不知此。乃以惡口穢語為常奉勸世人。力以戒此。

謹按潤澤以下等語。與綺語相似。何以辨之。曰。誠與不誠而已。潤澤等語。出於由衷者也。綺語浮詞。騰於頰輔者也。

意

貪欲

業

瞋恨

○慎獨

還謹按此三業。不曰心而曰意。何也。蓋意

者。心之所發也。於發動之初而知戒謹焉。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

則易為力矣。此慎獨之功不可已也。否則
涓涓不止。將成江河。萌蘖不摧。將尋斧柯。
欲心之勉於三業也。不亦難哉。故曰。欲正
其心者。先誠其意。

改證

慎獨 中庸曰。莫見乎隱。莫顯乎微。故君子必慎其獨也。○註云。言幽

暗之中。細微之事。迹雖未形。而幾則已動。人雖不知而已。獨知之。是以君子尤加謹焉。所以遏人欲於將萌。而不使其潛滋暗長。於隱微之中。以至離道之遠也。

宗鏡錄曰。念念之中。恒起三毒。即當劫盡。三

災三毒貪為首。三災火為首。以不思議止觀。觀此毒。一念貪心。無有起處。即是一唾火而滅了。念成智。即是一吹世界而成。

還謹按龍舒文云。有姪女得道。文殊問云。

如何見十八界。荅云。如見刲火燒諸世界。雖不言三毒實與宗鏡同旨。嗟夫。以女人尚有慨世之心。何今之修行者。縱情之習重。觀心之道微。甘於自焚。自溺。自飄。而莫

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

悟也可哀也哉。

改證三毒貪嗔癡也。壇經曰。諸天三災火

風也。佛祖統紀云。二十轄。劫。滿遇大三災。大地天宮俱壞。

不思議止

觀以自性實相。或止或觀也。此法不可思議。

十八界謂六根六

塵六識。因有此種種故。生無量事。造無量惡業。是故如刦火燒諸世界。

論不貪欲

華嚴經曰。性不貪欲。菩薩於他財物。他所資用。不生貪心。不願不求。

佛遺教經曰。汝等比丘。當知多欲之人。多求利故。苦惱亦多。少欲之人。無求無欲。則無此患。直爾少欲。尚應修習。何況少欲能生諸功德。少欲之人。則無詣曲以求人意。亦復不為諸根所牽。行少欲者。心則坦然。無所憂畏。觸事有餘。常無不足。有少欲者。則有涅槃。是名少欲。

高峯師云。是三界輪迴之根本也。觀此四大幻身。本自無生。以愛染不忘。纏縛輪轉。故教

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

中謂當知輪迴。愛為根本。由有諸欲助發愛性。是知能令生死相續。

又曰。汝等比丘。諸欲脫諸苦惱。嘗觀知止知足之法。即是富樂安隱之處。知足之人。雖卧地上。猶為安樂。不知足者。雖處天堂。亦不稱意。不知足者。雖富而貧。知足之人。雖貧而富。不知足者。常為五欲所牽。為知足者之所憐憫。是名知足。楞嚴經曰。若諸比丘。衣鉢之餘。分寸不畜。乞食如避瘴海。

餘分施餓衆生。不將如來不了義說。迴為已解以誤初學。佛印是人得真三昧。

又曰。十方如來。色目多求。同名貪水。菩薩見貪。如避瘴海。

還謹按楞嚴經論。殺則以殺貪為本。論盜。

則以盜貪為本。論婬。則以欲貪為本。是殺盜婬皆由於貪也。此特舉其大者耳。貪之為害。豈止於是而已哉。信乎。如水之無物。

不受目之為貪水。宜也。嗚呼。修行者。欲隄防於方寸之間。勿淪胥於瘴海之惡。將何如而可哉。亦曰少欲知足而已。

改證如未不了義。楞嚴會解曰。經言衣鉢稱所畜物。可以資身進道。薩婆多論。許百物各可畜。一皆不了義也。

宗鏡錄曰。若於貪起正思。了貪無自性。則於貪得解脫。若於貪起邪想。迷貪生執著。則於貪被繫縛。繫縛解脫。遂成真俗二門。於真俗

二門。則收盡染淨諸法。貪之一法既爾。於嗔癡等八萬四千塵勞亦然。

謹按少欲知足。固可以止貪。若昧於自性。則多欲無厭者。莫知其所終也。然則宗鏡之說。其可少乎哉。

迴向文 莊芳林撰

稽首西方極樂世界阿彌陀佛。稽首三洲應護法帝馱尊天竊唯性靈瑩徹。原無芬垢

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

於皇初。意想逐馳。遂同物交於塵世。是以
經垂室欲之戒。傳昭寡欲之方。弟子某遵佛明誨。不敢貪欲。但習染已深。恐幾微之
猶累。欲根未淨。每幽獨之潛萌。蓋好利本
出於常情。且見得實難於思義。况男女之
際。尤人之大欲存焉。而可不戒乎哉。特念
阿彌陀佛若干聲仗茲佛力。使我弟子自
今以後。屬厭同君子之心。甘節守先聖之

訓。知止知足。澄湛如清水之珠。不願不求。
凝淨如却塵之禪。秉衷純白。人人仰仁讓
之風。厥志清明。在在格貪戾之習。願佛慈
悲哀。憐攝受。願常馱憐憫。為作證明。令惡
意消散。善念圓成。淨因日增。往生如願。

攷證皇初人之初生。維皇降衷。即天命之
性也。即室欲易曰。君子以寡欲孟子曰。養心莫善於
寡欲。左傳曰。願以小人之腹。甘節易曰。甘節爲君子之心。屬厭而已。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

清淨。○此言無過不及。節之善者。故曰甘節。
至卷不節之嗟。是為不及。苦節貞凶。則為
太過。大過中峯師云。西天有寶名曰清珠。
則一寸之濁水自清。珠以投人。濁水中一寸。
自尺至丈。莫不皆然。却塵禱。杜陽編云。唐
瑤琰有却塵禱。言是却塵之獸毛所為也。
仁讓貪戾。元載寵姬薛興仁。一家讓。國興讓一人。
貪戾。一國作亂。其機如此。

論不嗔恨

華嚴經曰。菩薩永捨嗔恨。於一切衆生。恒起慈
悲心。利益心。哀愍心。歡喜心。和順心攝受心。永

捨嗔恨熱惱。常思順行仁慈祐益。

梵網經曰。若佛子自嗔。教人嗔。嗔因。嗔緣。嗔法。
嗔業。而菩薩應生一切衆生善根無諍之事。常
生慈悲孝順心。而反更於一切衆生中。乃至於
非衆生中。以惡口罵辱。加以手打。及以刀杖。意
猶不息。前人求悔。善言懺謝。猶嗔不解者。是菩
薩波羅夷罪。

戒疏發隱曰。霜之雪之。昊天非害物也。所以

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

培生育之原責之治之聖人非害人也所以
關自新之路。嗔心縱而不休。衆生隔而不接。
豈大士之體乎。

非衆 改證 非衆生非衆生有二。一真化對。謂變
幻化作者是也。二聖凡對。則
坐處諸佛聖人是也。

佛遺教經曰。汝等比丘。若有人未節節支解。當
自攝心。毋令嗔恨。亦當護口。勿出惡言。若縱毒
心。則自妨道。失功德利。忍之為德。持戒苦行。所

不能及。能行忍者。乃可名為有力大人。若其不
能歡喜忍受惡罵之毒。如飲甘露者。不名入道。
智慧人也。所以者。嗔恚之害。則破諸善法。壞好
名聞。今世後世人不喜見。當知嗔心甚於猛火。
常當防護。勿令得入。劫功德賊。無過嗔恚。白衣
非行道人。無法自制。嗔猶可恕。出家行道無欲
之人。而懷嗔恨。甚不可也。譬如清冷雲中。霹靂
起火。非所應也。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

龍舒居士習慈說曰。觀世音菩薩謂萬善皆生於慈。老子言三寶以慈為首。儒家言五常先之以仁。人有多嗔怒者。蓋不思此意。未言害物造業。先自損氣傷和。人若能到慈仁之境。方知嗔怒不佳。當其在嗔怒中。則不自知其苦。正如行荆棘中。及習成慈仁。則如入大廈安居矣。此不可以言盡。但當嗔怒時。習之不久。自有可喜。凡待貧下。御僕妾。詆忤已者。

易致嗔怒。尤當戒謹。蓋彼亦人也。但以薄福而事我。豈可恣其情性。而造惡業哉。如一切衆生。為大罪惡。亦勿生嗔。以汚吾清冷之心。念彼以愚癡故耳。當生憐憫之心。如是以修淨土。其圓熟善根甚矣。

還謹按華嚴疏云。百萬障門。嗔毒最重。除嗔之外。更徧推求。無有一惡如嗔之重者。是故目之為刀劍。名之為猛火。非過喻也。

程明道定性書有云。夫人之情易發而難制者。惟怒為甚。第能以怒時遽忘其怒。而觀理之是非。亦可以見外誘之不足惡。而於道亦思過半矣。此正習慈仁者之所當

知也。故雖知耳當生猶歸之以收異以對

考證 **習慈** 袁氏廣愛篇曰：世人與衆不和，初生為嗔瞋，漸增長思量執著，住在心中。名為恨。此恨既積，欲損於他，名為惱。惟一慈心，能除嗔恨惱三事。以是知慈心功德無量也。慈有三等：衆生緣慈、法緣慈、無緣慈也。不利益一人而求利益無

數無邊之人。是為衆生緣慈老者不獨思安其身而兼思安其心。使之得受性真之樂。朋友少者皆然。此為法緣慈。若無緣慈惟聖人有之。蓋聖人不住有為亦不住無為。老則願安而我亦不知其安。朋友少者皆然。所謂無緣慈力赴羣機也。

迴向文

莊芳林撰

稽首西方極樂世界阿彌陀佛。稽首三洲
感應護法韋馱尊天。竊唯嗔為毒海。恨入
癟門。故聖人大遠怨之方。賢哲弘不校之
度。弟子某遵佛明誨。不敢嗔恨。但人已異

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

視則嫉妒易生。習氣未除。則忿恚旋作。不和於衆。矯生為嗔。執著在中。積久為恨。敗道損德。皆原於此。特念阿彌陀佛若干聲。仗茲佛力。使我弟子。自今以後。勑志已平。永作沾泥之絮。熱心遂釋。常為春泮之冰。橫逆如虛舟之撼前。怨仇如飄瓦之墮體。與物無競。悉諧大道之和平。舉世無諍。共由大通之熙皞。願佛慈悲哀。憐攝受願。常

馱憐憫。為作證明。令惡緣解散。善念圓成。淨因日增。往生如願。

十 放證虛舟列子云。方舟濟於河。有虛舟來觸舟。雖有福心之人。不怒。飄尾。莊子云。雖有忮心。不怨。飄尾。春秋傳曰。春秋善解分。貴遠怨。不

論不邪見

華嚴經曰。菩薩又離邪見。住於正道。不行占卜。不取惡戒。心見正直。無誑無詭。於佛法僧。起決

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

定信。

永嘉集曰。邪見因緣能生萬惡。正觀因緣能生萬善。當知心是萬法之根本也。云何邪見。無明不了。妄執為我。因有我故。便有我所。因有我所。故起於斷常六十二見。見思相續。九十八使。三界生死。輪迴不息。當知邪見衆惡之本。是故智者制而不隨。云何正觀。無為寂滅。至極微妙。絕相離名。心言路絕。當知正觀。

還源之要也。是故智者。正觀因緣。萬惑斯遣。境智雙忘。心源淨矣。

還謹按邪見即癡也。忘其正觀。顛倒妄想。

固為癡之大者。至於事之理有不可為。勢有不容為。力有不能為。時有不暇為。事有不必為。而思欲為之。何莫而非癡也哉。噫。人能於佛法僧而決定信。則正觀成而心源淨。必無是矣。惜乎凡夫之不能也。悲夫。

9 10 1 2 3 4 5 6 7 8 9 20 1 2 3 4 5 6 7 8 9 30 1

攷證

祐門

曰。撥正

因果。辟信

求福。皆名邪

見也。

見也。

子

近邪見也。是淺小等。是深厚邪見也。
 捕魚。五獵師。六網鳥。七捕蛇。八養雞。九呢
 家。十四酤酒家。十五洗染家。十六壓油家。
 此謂顯惡人易見也。九十五種外道邪見者。
 或持牛馬啖水草故。或持雞犬甘食穢
 故。或事火奉火為師。如迦葉事火龍故。或
 服風吸外氣故。或翹腳自謂精進故。或五
 热炙身。或坐薪燔體。自謂苦盡得樂故。或
 接崖。自謂捨穢軀得淨身故。乃至塗灰卧
 耘裸形等事。不可悉數。降而末代。或服水
 齋。自謂滌除五濁故。或復餓七。自謂空寂
 四大故。或復赤脚隆冬。裹髮盛夏。自謂寒
 加本斷常。成六十二。九十八使。
見下卷念

迴向文

莊芳林撰

稽首西方極樂世界阿彌陀佛。稽首三洲
 感應護法常馱尊天。竊思吾分以外。即毫
 末而非宜。性所不存。縱可為而匪事。故君
 子常存正見。聖人示無邪思。弟子某遵佛

明誨不敢邪見。然遊思不已。即為妄心。妄想不休。便為邪見。顛倒偏僻。憧憬之念亂其空。詣誑癡迷。役役之衷撓吾定淺。近邪見猶云不可。深厚邪見。夫豈宜哉。特念阿彌陀佛若干聲。仗茲佛力。使我弟子自今以後。皈依三寶。決定無疑。見性如大明之晝。而羣妄自消。明心等大路之由。而諸蹊不蹈。一切違於正直者。悉皆滌除。稍有涉

於私曲者。永加消滅。戒欺求慊。吾秉儼幽
獨之盟。過化存神。舉世入無邪之境。願佛
慈悲。哀憐攝受。願常馱憐憫。為作證明。令
惡緣解散。善念圓成。淨因日增。往生如願。
考證
毫末 楊氏曰。聖人所為。本之。外。不加毫末。
之。雜。皆。往。來。明。從。爾。思。○言私意。戒欺求慊。
誠其意者。毋自欺也。如惡惡臭。如好好色。
此之謂自慊。○今無邪見。則自慊而不自色。
欺矣。唯慎獨。過化存神。孟子曰。君子所過。
者。徯之。○過化存神者。化所存者神。今

考證毫末

楊氏曰。聖人所為。本之。不加毫末。○兩思。○言私意。戒欺求慊。大學云。所小自欺也。如惡惡臭。如好好色。○今無邪見。則自慊而不自欺。○孟子曰。君子所過化存神者。化所存者神。今

易。大學。憧憧曰。所云。色自。好不。過。今。神。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

無邪見。則所存者神舉。世無邪。則所過者化矣。

意三業二偈

洞山禪師曰。貪嗔癡大無知。賴我今朝識得伊。行便打。坐便搥。分付心王仔細推。無量劫來不斛脫。問你三人知不知。
神鼎禪師曰。貪嗔癡實無知。十二時中任從伊。行即徃。坐即隨。分付心王擬何為。無量劫來元解脫。何須更問知不知。

謹按前一偈與神秀所云時時頻拂拭

或免使惹塵埃同意後一偈與六祖所云本來無一物。何處惹塵埃同意安勉不同。高下可知矣。雖然天下不皆六祖神鼎也。下學上達當自洞山神秀始。

考證六祖神秀二偈

增經曰。五祖喚諸門人。汝等各去取自本

心般若之性。各作一偈來。神秀呈一偈曰。身是菩提樹。心如明鏡臺。時時勤拂拭。勿使惹塵埃。祖曰。汝未見性。時六祖在碓坊。聞之。作一偈曰。菩提本無樹。明鏡亦非臺。本

卷四

卷之三

卷之三

來無一物。何處惹塵埃。五

祖知悟本性。卽付衣鉢。

卷之三

卷之三

未可嘆矣雖然天下不遺六師

宋無子姓同妻秦宣惠同意娶嫁不同姓

伊集院忠宣與同僚
同歸之辭

卷之三

卷之三

附破戒人能改勿拒論見蓮社釋疑論

或問破戒之人可容入社否師云社中之友
不求無過唯求改過若求無過孰一無過焉
古云唯佛一人持淨戒其餘多是破戒者自
思我等與釋迦如來同為凡夫世尊則精勤
改過成佛已經多劫我等無慚無愧畧無改
過之心乃爾輪轉三塗出入生死恒受苦惱
無由解脫故我今者立社唯求知識痛為救

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

正改過為先入社之後行無所改然後擯之
三昧海經云佛為父王說昔有四比丘犯律
為恥將無所怙忽聞空中聲曰汝之所犯謂
無救者不然也空王如來雖復涅槃形像尚
在汝可入塔一觀寶相眉間白毫比丘隨之
泣淚言曰佛像尚爾况佛真容乎舉身投地
如大山崩今於四方皆成正覺東方阿閦佛
南方寶相佛西方無量壽佛北方微妙聲佛

是四改過比丘已成佛矣今我社中豈有改
過人不容入者古云過則勿憚改又曰惡人
齋戒可祀上帝我第憂不能改爾破戒何疑
還謹按持戒篇嚴以立法改過論恕以
待人蓋法不嚴則忘其警懼之心待不
恕則絕其自新之路二者兼之佛道之
所以為慈悲乎而人之終於暴棄者吾
未如之何也已

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

十業自考圖

嘗謂修行者當以齋戒為首務。今人或能持齋而不能持戒。何也。蓋持齋雖難。而持戒尤難。如身口意十業。又為諸戒之首。故立自考之法。然自考者。須於每夜詣。

釋迦佛前。以晝之所為。焚香白之。而後可。何以故。倘有違犯。慚愧曷勝。傷筋戰兢。深履薄。則惡日消而善日長。故自考有益。苟或

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

不然。肆行無忌。非僻自甘。慚愧不生。悔心
沉沒。則善日消而惡日長。雖自考亦為徒
矣。然則淨業之士。志於考戒者。可不知所
先務哉。柰何今之修行者。不唯不知持戒
之有法。抑且不知何戒之當持。雖終身齋
素。止為世間之善因。惡業因除。難冀出世
之勝果。噫。是則名為可憐憫者。思之。

福道

月殺生偷盜邪淫妄言綺語兩舌惡口貪欲嗔恨邪見

初一
初二
初三
初四
初五
初六
初七

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

初九

初十

十一

十二

十三

十四

十五

十六

十七

十八

十九

二十

廿一

廿二

廿三

廿四

廿五

廿六

廿七

廿八

廿九

三十

卅一

卅二

卅三

卅四

卅五

卅六

卅七

卅八

卅九

四十

四一

四二

四三

四四

四五

四六

四七

四八

四九

五十

五十一

五十二

五十三

五十四

五十五

五十六

五十七

五十八

五十九

六十

六十一

六十二

六十三

六十四

六十五

六十六

六十七

六十八

六十九

七十

七十一

七十二

七十三

七十四

七十五

七十六

七十七

七十八

七十九

八十

八十一

八十二

八十三

八十四

八十五

八十六

八十七

八十八

八十九

九十

九十一

九十二

九十三

九十四

九十五

九十六

九十七

九十八

九十九

一百

一百零一

一百零二

一百零三

一百零四

一百零五

一百零六

一百零七

一百零八

一百零九

一百一十

一百一十一

一百一十二

一百一十三

一百一十四

一百一十五

一百一十六

一百一十七

一百一十八

一百一十九

一百二十

一百二十一

一百二十二

一百二十三

一百二十四

一百二十五

一百二十六

一百二十七

一百二十八

一百二十九

一百三十

一百三十一

一百三十二

一百三十三

一百三十四

一百三十五

一百三十六

一百三十七

一百三十八

一百三十九

一百四十

一百四十一

一百四十二

一百四十三

一百四十四

一百四十五

一百四十六

一百四十七

一百四十八

一百四十九

一百五十

一百五十一

一百五十二

一百五十三

一百五十四

一百五十五

一百五十六

一百五十七

一百五十八

一百五十九

一百六十

一百六十一

一百六十二

一百六十三

一百六十四

一百六十五

一百六十六

一百六十七

一百六十八

一百六十九

一百七十

一百七十一

一百七十二

一百七十三

一百七十四

一百七十五

一百七十六

一百七十七

一百七十八

一百七十九

一百八十

一百八十一

一百八十二

一百八十三

一百八十四

一百八十五

一百八十六

一百八十七

一百八十八

一百八十九

一百九十

一百九十一

一百九十二

一百九十三

一百九十四

一百九十五

一百九十六

一百九十七

一百九十八

一百九十九

二百

二百零一

二百零二

二百零三

二百零四

二百零五

二百零六

二百零七

二百零八

二百零九

二百一十

二百一十一

二百一十二

二百一十三

二百一十四

二百一十五

二百一十六

二百一十七

二百一十八

二百一十九

二百二十

二百二十一

二百二十二

二百二十三

二百二十四

二百二十五

二百二十六

二百二十七

二百二十八

二百二十九

二百三十

二百三十一

二百三十二

二百三十三

二百三十四

二百三十五

二百三十六

二百三十七

二百三十八

二百三十九

二百四十

二百四十一

二百四十二

二百四十三

二百四十四

二百四十五

二百四十六

二百四十七

二百四十八

二百四十九

二百五十

二百五十一

二百五十二

二百五十三

二百五十四

二百五十五

二百五十六

二百五十七

二百五十八

二百五十九

二百六十

二百六十一

二百六十二

二百六十三

二百六十四

二百六十五

二百六十六

二百六十七

二百六十八

二百六十九

二百七十

二百七十一

二百七十二

二百七十三

二百七十四

二百七十五

二百七十六

二百七十七

二百七十八

二百七十九

二百八十

二百八十一

二百八十二

二百八十三

二百八十四

二百八十五

二百八十六

二百八十七

二百八十八

二百八十九

二百九十

二百九十一

二百九十二

二百九十三

二百九十四

二百九十五

二百九十六

二百九十七

二百九十八

二百九十九

三百

三百零一

三百零二

三百零三

三百零四

三百零五

三百零六

三百零七

三百零八

三百零九

三百十

三百十一

三百十二

三百十三

三百十四

三百十五

三百十六

三百十七

三百十八

三百十九

三百二十

三百三十一

三百三十二

三百三十三

三百三十四

三百三十五

三百三十六

三百三十七

三百三十八

三百三十九

三百四十

三百四十一

三百四十二

三百四十三

三百四十四

三百四十五

三百四十六

三百四十七

三百四十八

三百四十九

三百五十

三百五十一

三百五十二

三百五十三

三百五十四

三百五十五

三百五十六

三百五十七

三百五十八

三百五十九

三百六十

三百六十一

三百六十二

三百六十三

三百六十四

三百六十五

三百六十六

三百六十七

三百六十八

三百六十九

<p

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30

卷二